



# **KERAJAAN ALLAH**

DI HATIKU

---

40 Hari Meditasi & Doa  
Prapaskah

---

# Permulaan yang tidak berkompromi

“Oleh sebab itu, takutlah akan TUHAN dan beribadahlah kepada-Nya dengan tulus ikhlas dan setia. Jauhkanlah allah yang kepadanya nenek moyangmu telah beribadah di seberang sungai Efrat dan di Mesir, dan beribadahlah kepada TUHAN. Tetapi jika kamu anggap tidak baik untuk beribadah kepada TUHAN, pilihlah pada hari ini kepada siapa kamu akan beribadah; allah yang kepadanya nenek moyangmu beribadah di seberang sungai Efrat, atau allah orang Amori yang negerinya kamu diami ini. Tetapi aku dan seisi rumahku, kami akan beribadah kepada TUHAN!” .”

## Yosua 24:14-15

Pada saat ketika orang Israel menyeberangi Sungai Yordan menuju ke Tanah Perjanjian di bawah kepemimpinan Yosua, Yosua membuat pengisytiharan dalam petikan Alkitab hari ini. Kepada orang Israel, ia adalah satu permulaan baru kepada seluruh kehidupan baru di tanah yang baru. Masa depan di hadapan mereka. Tetapi mereka juga harus membuat pilihan sendiri. Sekiranya mereka memilih ilah-ilah yang lain semenjak dari awal, menurut Perjanjian mereka akan mempunyai Allah, malapetaka akan datang menimpa mereka.

Lihat, Tuhan tidak “mengancam” umatNya. Dia semata-mata hanya menyatakan syarat Perjanjian, bersama dengan akibat memberontak terhadap Dia dan Melayani Dia untuk mereka pilih. Di tahun baru 2019 ini, saya merasakan bahawa Tuhan sedang membawa kita kepada permulaan baru untuk perkara baru. Saya merasakan bahawa Dia mahu memberikan kita “negeri yang kita peroleh tanpa bersusah-susah dan kota-kota yang tidak kita dirikan, tetapi kitalah yang diam di dalamnya; juga kebun-kebun anggur dan kebun-kebun zaitun yang tidak kita tanami, kitalah yang makan hasilnya.” (Yosua 24:13)

Oleh itu, buatlah satu pilihan yang sungguh-sungguh pada hari ini – hanya melayani Dia dan menolak ilah-ilah yang lain atau perkara yang kita gunakan untuk menggantikan Tuhan dalam kehidupan kita. Marilah kita bersungguh-sungguh untuk menyingkirkan ‘berhala-berhala’ yang kita andalkan dalam kehidupan kita. Bagi diri kita dan seisi rumah kita, dan seisi keluarga Allah, seperti yang dikatakan Yosua, “tetapi aku dan keluargaku, kami akan beribadah kepada Tuhan!”

Tetapkan untuk membuat permulaan yang tidak berkompromi untuk tahun 2019!

## DOA

Bersoraklah! Katakan kepada setiap perkara ilahi di dalam hidup kamu dan dalam negara ini yang kelihatan telah “mati” bahawa kuasa Kebangkitan Yesus akan turun ke atas setiap perkara ini dan membangkitkan mereka untuk hidup!

## Kasih yang tidak dapat dipisahkan

Tetapi dalam semuanya itu kita lebih dari pada orang-orang yang menang, oleh Dia yang telah mengasihi kita. Sebab aku yakin, bahwa baik maut, maupun hidup, baik malaikat-malaikat, maupun pemerintah-pemerintah, baik yang ada sekarang, maupun yang akan datang, atau kuasa-kuasa, baik yang di atas, maupun yang di bawah, ataupun sesuatu makhluk lain, tidak akan dapat misahkan kita dari kasih Allah, yang ada dalam Kristus Yesus, Tuhan kita.

### **Roma 8:37-39**

Perbezaan utama antara kematian dan kasih ialah: kematian memisahkan tetapi kasih mengikat. Kita tahu bahawa kematian adalah ketiadaan hidup. Sumber hidup adalah dari Allah, dan Yesus adalah hidup tersebut. Ketika Yesus menuju ke kayu salib, Dia melakukannya kerana Dia patuh dan berserah kepada kehendak Bapa. Akan tetapi, kasih-Nya yang menyebabkan Dia rela berada di atas kayu salib itu!

Kematian sangat berkuasa. Ia menamatkan hidup dan memisahkan manusia daripada sumber hidup. Ketika Yesus bangkit dari kematian, Dia dengan tegas mengalahkan kematian. Kebangkitan Yesus membolehkan mereka yang menerima Dia, mati bersama Dia dan juga akan bangkit bersama Dia – memperolehi hidup yang abadi. Jika Kebangkitan Yesus begitu berkuasa sehingga ia boleh menterbalikkan apa yang telah dilakukan oleh kematian kepada manusia, maka sumber Kebangkitan-Nya mesti juga sangat berkuasa. Kebangkitan Yesus berlaku bukan hanya sekadar Dia tidak berdosa atau Dia patuh kepada Bapa. Tetapi saya percaya, bahawa Dia mati di atas Kayu Salib kerana dimotivasikan oleh kasih. Petikan Alkitab dari buku Roma memberitahu kita bahawa kasih Allah ada di dalam Yesus, dan kasih ini sangat berkuasa sehingga tiada apa-apa yang boleh memisahkan kita dari kasih Allah.

Apabila kita melaksanakan kehendak atau perintah Allah, bukan hanya kerana kepatuhan, malah juga kerana kasih terhadap Allah, kita akan lihat keberhasilan yang luar biasa. Jika sumber ia sangat berkuasa, maka hasilnya juga sangat berkuasa. Apabila kita melakukan sesuatu kerana kasih, kita akan memasuki ke dalam “domain kasih” dengan efektif, maka menjadikan kita “lebih dari pemenang”.

Pada hari Kebangkitan yang akan datang ini, marilah kita memperingati demonstrasi kasih TUHAN yang menakjubkan kepada kita melalui Salib Yesus. Marilah kita bertekad untuk mengambil dan mempergunakan Kuasa Kebangkitan ini. Marilah kita memilih kasih Yesus, melayanilah Dia dan tujuan-Nya kerana kita mengasihi-Nya, bukan kerana kekewajipan/dipaksa.

Selamat Hari Kebangkitan!

## DOA

Senaraikan 3 perkara yang kamu ingin lakukan secara berbeza pada tahun ini. Serahkan kepada Tuhan dan minta Dia menolong kamu untuk memiliki permulaan yang tidak berkompromi.

# Permulaan yang tidak berkompromi

“Lalu pada hari sesudah Paskah mereka makan hasil negeri itu, yakni roti yang tidak beragi dan bertih gandum, pada hari itu juga. Lalu berhentilah manna itu, pada keesokan harinya setelah mereka makan hasil negeri itu. Jadi orang Israel tidak beroleh manna lagi, tetapi dalam tahun itu mereka makan yang dihasilkan tanah Kanaan.

## Yosua 5:11-12

Anak-anak Israel mengembara di gurun selama 40 tahun sebelum memasuki Kanaan, Tanah Perjanjian Allah bagi mereka. Mereka telah dibekalkan dengan luar biasa di gurun dimana Tuhan memberikan Manna, roti dari syurga untuk makanan mereka setiap hari, kecuali pada hari Sabat. Mereka telah mendapat bekalan makanan daripada Tuhan setiap hari tanpa gagal.

Namun, ketika orang Israel menyeberangi Yordan ke tanah Kanaan, sehari selepas mereka memakan hasil tanah itu, bekalan mukjizat manna berhenti. Mereka harus belajar bagaimana untuk terus diberi makan dengan hasil dari Tanah Perjanjian. Mereka tidak hanya bergantung kepada manna, yang diberikan kepada mereka oleh anugerah Tuhan, tanpa bekerja untuk mendapatkannya. Mereka harus mengerjakan tanah, menternak binatang, supaya mereka dan anak-anak mereka, dan anak cucu mereka akan terus mendapat makanan. Mereka harus bergantung kepada Tuhan untuk keadaan yang baik bagi tanaman dan percaya kepada Dia untuk tuaian.

Manna meskipun ia hebat, secara langsung dari tangan Tuhan, percuma dan mudah tetapi ia adalah demonstrasi belas kasihan Allah di tengah-tengah penghakiman – menggembara di gurun. Manna adalah untuk di gurun, bukan untuk Tanah Perjanjian. Manna adalah untuk mereka sendiri, tidak boleh disimpan, tidak bertahan sehingga keesokan hari (kecuali dikutip sehari sebelum Sabat), tidak boleh diberikan kepada yang lain. Tidak boleh menjadi warisan untuk generasi akan datang.

Tanaman dan ternakan, hasil tanah adalah untuk Tanah Perjanjian, bukan untuk di gurun. Hasil tanah boleh berlipat ganda, disimpan, diagihkan kepada generasi akan datang (tanah). Keberhasilan tuaian boleh dipakai untuk memberkati orang lain, malah juga untuk orang asing. Meskipun ia menuntut kerja keras bagi manusia, Tuhan yang memberikan tuaian, menambahkan dan membuatnya berhasil. Ia boleh dikatakan menyerupai keadaan yang berbeza sekali dari keadaan yang sebelumnya.

# DOA

Naikkan kesyukuran kepada TUHAN atas semua penyembuhan yang telah diterima oleh kamu atau orang yang kamu kasihi. Percaya kepada Dia untuk penyembuhan yang kamu carikan. Isytiharkan bahawa oleh bilur-bilur Yesus, penyembuhan akan dilepaskan ke atas setiap penyakit – dalam roh, jiwa dan tubuh.

## Oleh bilur-bilur-Nya

Ia sendiri telah memikul dosa kita di dalam tubuh-Nya di kayu salib, supaya kita, yang telah mati terhadap dosa, hidup untuk kebenaran. Oleh bilur-bilur-Nya kamu telah sembuh.

### 1 Petrus 2: 24

Parut adalah hasil daripada luka. Ia adalah bukti terjadinya kesakitan dan penderitaan pada masa lalu. Sesetengah parut walaupun kelihatan sembuh dari luaran, masih terasa sakit di dalam. Parut juga bukti bahawa sesuatu telah dikeluarkan. Baru-baru ini, saya mendengar kesaksian di mana seorang pemuda berdoa untuk kesembuhan seorang wanita daripada tumor di tubuhnya. Wanita tersebut terasa kesakitan yang menusuk di tubuhnya apabila dia didoakan. Dia terasa sesuatu telah dikeluarkan daripada tubuhnya. Dia mendapati selepas didoakan, satu parut muncul di tubuhnya yang tidak ada sebelum ini. Parut itu berada tepat di tempat yang sama dengan tumor itu! Apabila dia kembali ke doktor untuk melakukan imbasan, dia mendapati tumor telah hilang sepenuhnya!

Semasa Minggu Suci ini, kita mengingati sejauh mana apa yang telah dilakukan oleh Yesus untuk membebaskan kita daripada akibat-akibat dosa. Dia mati untuk kita agar kita boleh menerima pengampunan dosa, tidak lagi terpisah daripada TUHAN yang memberikan kita hidup. Dia memikul semua akibat-akibat dosa termasuklah penderitaan, kesakitan fizikal dan emosi, perhambaan rohani, penyakit dan kelemahan. Setiap bilur pada tubuh-Nya, Dia tanggung untuk kita. Oleh kerana bilur-bilur-Nya, penyembuhan bagi kita boleh menjadi satu kenyataan. Fikirkanlah: Anak Allah mengalami setiap kesakitan dan penderitaan yang mungkin dialami manusia – penderaan fizikal dan emosi, penolakan, rasa malu, pengkhianatan, kelemahan, dll.

Penderitaan yang dialami-Nya adalah benar. Bilur-bilur-Nya adalah benar. Oleh sebab itu, penyembuhan yang Yesus bawakan kepada kita juga adalah benar. Kita boleh mengalami penyembuhan. Dia juga ingin kita miliki penyembuhan, supaya kita boleh mengetahui betapa dalam kasih-Nya kepada kita. Dengan itu, kita boleh hidup dalam identiti dan berjalan dalam destini yang Allah berikan kepada kita – iaitu hidup yang berkelimpahan!

Yesus mati dalam satu kematian yang tidak sepatut diterima oleh-Nya supaya kita boleh hidup dalam kehidupan yang kita tidak layak! Itulah rahmat-Nya yang menakjubkan! Itulah kasih-Nya!

Adakah anda menginginkan “manna” dalam kehidupanmu? Kecuali kamu masih menggembara di “gurun”, manna bukanlah untuk kita. Sementara di Tanah Perjanjian, fikirkan Tanah Perjanjian! Sekiranya kamu mendapati manna itu telah berhenti dalam hidup kamu, puji Tuhan! Kerana Dia menganggap kamu bersedia dan layak untuk masuk ke Tanah Perjanjian. Usahakanlah Tanah Perjanjian kamu dengan hikmat dan kurnia yang Dia berikan kepadamu. Percaya kepada Tuhan dan bersandar kepada Dia sahaja. Kerana Dia pasti memberkati pekerjaan tanganmu dan memberikan kamu kejayaan. Bergembiralah!

## DOA

Senaraikan 3 perkara yang kamu ingin lakukan secara berbeza pada tahun ini. Serahkan kepada Tuhan dan minta Dia menolong kamu untuk memiliki permulaan yang tidak berkompromi.

# Permulaan baru, datanglah!

Ingatlah hal-hal yang dahulu dari sejak purbakala, bahwasanya Akulah Allah dan tidak ada yang lain, Akulah Allah dan tidak ada yang seperti Aku, yang memberitahukan dari mulanya hal yang kemudian dan dari zaman purbakala apa yang belum terlaksana, yang berkata: Keputusan-Ku akan sampai, dan segala kehendak-Ku akan Kulaksanakan,

**Yesaya 46:9-10**

Akhir suatu hal lebih baik dari pada awalnya. Panjang sabar lebih baik dari pada tinggi hati.

**Pengkhotbah 7:8**

Permulaan sesuatu yang baru, kadangkala juga bermaksud pengakhiran sesuatu yang lama. Apabila kita mengisytiharkan permulaan baru Tuhan, kita harus menjangkakan dan bersedia untuk mengakhiri yang lama.

“Alkitab berbicara banyak jenis permulaan. Terdapat permulaan kerajaan, permulaan kekuatan, permulaan bulan dan permulaan tahun; permulaan dendam, permulaan berjaga-jaga, permulaan tuaian semulajadi begitu juga tuaian rohani yang banyak; permulaan tempat untuk didiami, dan permulaan perbalahan, terdapat permulaan kata-kata, permulaan permohonan, dan permulaan Firman Tuhan, permulaan duka, permulaan dosa anak-anak lelaki, dan permulaan dosa anak-anak perempuan, permulaan keyakinan, permulaan hari, permulaan dunia dan permulaan penciptaan Allah, permulaan injil Yesus Kristus dan permulaan mukjizat.

Tugas syurga bermula walaupun sifat yang tidak dapat dijangkakan pada kejadian segala sesuatu. Tuhan merancang dalam gerakan, Dia membawa orang-orang untuk bertindak dan mengasah rekaan daripada hikmat-Nya, dengan matlamat yang spesifik di fikiran-Nya. Daripada pandangan ilahi-Nya, penghasilan akhir sangat dijangkakan; Allah dibezakan “akhir dari permulaan” dan “waktu pengorbanan dari waktu kemuliaan”.

*(Diubahsuai daripada Shirley Weaver's daily devotional bertajuk, "Pada Permulaan")*

## DOA

Bukakanlah hati kamu kepada TUHAN, dan minta kepada Dia untuk menunjukkan kepada kamu cara untuk membawa korban yang bernilai (sesuatu yang bernilai bagi kamu) kepada Dia dalam Minggu Suci ini.

## Adakah anda berada di bawah

Dan kota itu dengan segala isinya akan dikhususkan bagi TUHAN untuk dimusnahkan; hanya Rahab, perempuan sundal itu, akan tetap hidup, ia dengan semua orang yang bersama-sama dengan dia dalam rumah itu, karena ia telah menyembunyikan orang suruhan yang kita suruh...Demikianlah Rahab, perempuan sundal itu dan keluarganya serta semua orang yang bersama-sama dengan dia dibiarkan hidup oleh Yosua. Maka diamlah perempuan itu di tengah-tengah orang Israel sampai sekarang, karena ia telah menyembunyikan orang suruhan yang disuruh Yosua mengintai Yerikho.

### **Yosua 6: 17, 25**

Rahab dari Yerikho, setelah mendengar betapa hebat dan berkuasanya TUHAN Israel, memohon belas kasihan daripada pengintai-pengintai yang dihantar oleh Yosua. Dia membuat mereka berjanji dengan nyawa mereka sendiri, untuk menjamin keselamatan dan perlindungan keluarganya. Di antara pembentukan perjanjian dengan pertukaran janji dan kewajiban – pengintai-pengintai dibebaskan, Rahab mengikat tali kirmizi pada jendela, dan mereka yang tinggal di sebalik jendela tersebut akan terhindar daripada kemusnahan dan kematian.

Yesus datang dan mengalirkan darah-Nya di Salib untuk kita supaya kita yang di bawah perlindungan Darah-Nya akan terhindar daripada kematian dan kemusnahan kekal, baik dalam kehidupan sekarang mahupun kehidupan yang akan datang. Yesus adalah Penyelamat Maha Kuasa kita. Dia boleh menyelamatkan kita daripada kemusnahan, mahupun daripada neraka! Melalui Darah-Nya, Dia telah mendirikan satu Perjanjian yang abadi dan tidak dapat dipisahkan di antara manusia dan TUHAN. Mereka yang di bawah Perlindungan Perjanjian tersebut akan terselamat, tidak kira apa pun penghakiman muktamad dunia ini.

Sepertimana Rahab dan keluarganya menikmati perlindungan perjanjian yang dia telah lakukan dengan 2 orang pengintai tersebut, kita mempunyai Perjanjian yang jauh lebih unggul dan hebat dengan Allah dalam Kristus Yesus. Keluarga Rahab terhindar daripada bencana ketika Rahab membawa mereka “di bawah perlindungan”. Alkitab memberitahu kita bahawa bukan sahaja keluarganya diselamatkan, tetapi "semua yang dia ada".

Adakah anda tinggal di bawah Perlindungan Darah Yesus? Adakah sesiapa di dalam rumah anda yang kelihatan terdedah kepada serangan musuh? Bawalah mereka ke dalam Perlindungan Darah Yesus melalui doa. Adakah terdapat apa-apa bahagian dalam hidup anda yang masih terdedah kepada serangan musuh? Perkahwinan anda? Kewangan? Kerjaya? Pelajaran? Hubungan? Pelayanan? dll. Adakah anda secara sedar telah membawa mereka di bawah Perlindungan Perjanjian ini bersama TUHAN? Hari ini bawalah mereka “di bawah perlindungan”. Berdoa dan meminta TUHAN untuk menunjukkan kepada anda apa yang anda boleh lakukan untuk memastikan mereka di bawah Perlindungan-Nya. Kerana itulah satu-satunya tempat selamat di mana semua ini boleh dipelihara dan dilindungi!

## DOA

Dengan sungguh-sungguh berdoa persembahkan hidupmu kepada Tuhan. Isytiharkan persetujuan dengan rancangan-Nya: Tuhan, saya mempersembahkan hidup saya pada hari ini, satu permulaan baru dengan tujuan dan sesuai dengan visi ilahi, belas kasih untuk belas kasih, integriti untuk integriti, dan kesucian untuk kesucian; saya isytiharkan permulaan untuk beberapa perkara dan pengakhiran untuk perkara yang lain, permulaan kepada pengakhiran...membangun.”

# Menghadapi Raksasa

Oleh sebab itu, berikanlah kepadaku pegunungan, yang dijanjikan TUHAN pada waktu itu, sebab engkau sendiri mendengar pada waktu itu, bahwa di sana ada orang Enak dengan kota-kota yang besar dan berkubu. Mungkin TUHAN menyertai aku, sehingga aku menghalau mereka, seperti yang difirmankan TUHAN."

## Yosua 14:12

Saya telah menerima Whatsapp minggu lalu, beberapa gambar tengkorak dan rangka Goliat, orang gergasi yang telah dibunuh oleh Raja Daud. Ia kononnya adalah sebuah hasil penemuan arkeologi di Israel. Gambar-gambar itu menunjukkan Goliat orang gergasi yang tingginya kira-kira 20 kaki, dan kepalanya sebesar kerusi roda! Kemudian saya dapati gambar-gambar tersebut telah diubahsuaikan dan diperbesar-besarkan.

Apapun halnya, fakta adalah tetap bahawa Daud telah membunuh gergasi yang menakuti. Kaleb di dalam Yosua 14 meminta pergunungan yang dihuni oleh orang gergasi pada waktu itu. Dia mengenalpasti dua fakta yang penting: Tuhan akan melakukan apa yang Dia janjikan dan raksasa itu adalah nyata!

Kaleb mengingati waktu ketika Tuhan menjanjikannya Tanah Perjanjian. Disebabkan oleh ketidakpercayaan beberapa yang lain, permusuhan yang mereka tunjukkan kepada dia, Yosua, Musa dan Harun, hingga kepada titik untuk mahu membunuh mereka, dia terlepas berkat janji Allah yang menyusul selepas 40 tahun. Dia perlu mengatasi dan keluar daripada penglibatannya dalam perbalahan, kepahitan, kekecewaan dan keputusan. Dia perlu mengampuni dan menunjukkan kasih karunia, untuk masuk ke dalam kasih karunia Allah.

Tahun ini kita akan melihat Allah membawa kita masuk ke dalam permulaan baru, perkembangan baru, kemaraan ke dalam Tanah Perjanjian. Untuk masuk ke dalam apa yang Allah janjikan, kadangkala kita terlebih dahulu “mengambil alih” gunung di hadapan kita. Apakah gunung yang di diami gergasi dalam kehidupanmu? Ia mungkin adalah beberapa cabaran baru di hadapan anda. Ia juga mungkin dimana kita menghadapi ketakutan, kegagalan masa lalu dan kekalahan. Gergasi itu mungkin di dalam kita, ketidakpercayaan, suam-suam kuku, keputusan, kekecewaan, kepahitan, kesalahan, dll. Semua ini boleh menghalang kita daripada masuk ke dalam Janji-janji Allah bagi kita.

Keluarlah daripada lingkungan masa lalu. Mengampuni dan tunjukkan kasih karunia. Supaya kamu dapat masuk ke dalam kasih karunia yang besar Allah tahun ini!

Syukur dan puji TUHAN, apabila Dia meminta kita untuk membawa korban pujian kepada-Nya, Dia juga telah memberi keupayaan kepada kita untuk berkorban!

## DOA

Bukakanlah hati kamu kepada TUHAN, dan minta kepada Dia untuk menunjukkan kepada kamu cara untuk membawa korban yang bernilai (sesuatu yang bernilai bagi kamu) kepada Dia dalam Minggu Suci ini.



## Keupayaan untuk Berkorban

Itulah semuanya yang harus kamu olah bagi TUHAN pada hari-hari rayamu sebagai korban-korban bakaranmu, korban-korban sajianmu, korban-korban curahanmu dan korban-korban keselamatanmu, selain dari korban-korban nazarmu dan korban-korban sukarelamu."

### Bilangan 29: 39

Bilangan 29:39 adalah kesimpulan mengenai semua perayaan, persembahan korban dan pemberian yang Allah telah arahkan Musa untuk disampaikan kepada umat Israel. Perintah-perintah ini bukan diberikan kepada orang-orang yang tidak mempunyai hubungan dengan Allah. Allah telah menetapkan Perjanjian yang kekal dan abadi dengan Israel, bahawa *"mereka akan menjadi umat-Nya, dan Dia akan menjadi Allah mereka"*. Dalam konteks Perjanjian yang sama TUHAN memerintahkan persembahan korban dan penyembahan.

TUHAN masih berhubung dengan kita dengan cara yang sama pada hari ini. Dia tidak akan meminta mereka yang belum mengenali-Nya untuk mempersembahkan korban atau menyembah Dia. Dia lebih berminat untuk membawa orang mendekati Dia supaya mengenali Dia terlebih dahulu. Pertama sekali, supaya mereka mengalami kebaikan dan rahmat-Nya, dan mengenali kasih-Nya. Dia ingin menarik tumpuan manusia kepada rahmat, belas kasihan, kuasa, kasih dan semua yang Dia ada. Dia ingin kita berada dalam Perjanjian yang kekal dengan-Nya, di mana Perjanjian ini ditetapkan melalui Darah Yesus; supaya ketika kita membawa korban pujian kita, korban penyembahan kita dan korban persembahan kita, ia akan disempurnakan atas rasa syukur kita terhadap apa telah lakukan-Nya kepada kita dan juga atas kasih kita kepada Dia. Persembahan korban dan pemberian ini tiada kaitan langsung dengan tujuan untuk memperolehi penyelamatan kita atau memperolehi kurnia dari Dia.

Apabila TUHAN memerintah kita untuk mempersembahkan korban pujian, dan membawa pemberian kepada Dia, yakinlah bahawa sekurang-kurangnya dua perkara ini adalah benar: Pertama, Dia anggap kita adalah milik-Nya! Kerana Dia tidak akan meminta persembahan korban dan pemberian yang diberikan oleh orang-orang berada di luar Perjanjian-Nya. Kedua, Dia tidak akan meminta kita untuk mengorbankan sesuatu yang kita tidak miliki. Apabila TUHAN meminta anda untuk mempesembahkan korban persembahan, ia mesti bermaksud bahawa anda sudah memiliki bahan korban tersebut. Apabila Dia meminta anda untuk memberi, Dia pastikan Dia telah memberikannya kepada anda terlebih dahulu. Ia mesti bermaksud bahawa anda boleh (berkeupayaan untuk) memberi. Persoalannya adalah sama ada anda mahu atau tidak (memilih untuk melepaskannya, dan percaya kepada Dia dan taat setia-Nya). Korban dan persembahan mesti dilakukan secara sukarela, dan bukan kerana dipaksa.

## DOA

Mohon kepada Tuhan untuk menyatakan "gergasi" dalam kamu dan di sekeliling kamu, yang menghalang jalan kamu untuk masuk ke dalam Janji-janji Allah. Berdoa kepada Tuhan untuk sebuah strategi untuk mengalahkan semuanya.

# Dia merindukan kamu

“Aku kepunyaan kekasihku, dan kepunyaanku kekasihku, yang mengembalikan domba di tengah-tengah bunga bakung.”

## Kidung Agung 6:3

Terdapat perbezaan penting di antara persekutuan doa dan mezbah doa. Kita mempersembahkan permohonan kita kepada Tuhan dalam persekutuan doa. Tetapi kita meminta daripada Tuhan pewahyuan kehendak-Nya di mezbah doa. Sebuah persekutuan doa boleh dibatalkan, tetapi mezbah doa adalah waktu perjanjian dengan Tuhan, temujanji dengan Tuhan, sama seperti sebuah “temujanji” di antara pasangan kekasih!

Kita memiliki semua yang kita perlukan dalam Tuhan. Dia adalah sumber yang tidak pernah putus dalam kehidupan kita. Jaminan untuk kita terus hidup dalam kemenangan dan penuh tujuan adalah Hadirat Allah dalam kehidupan kita. Waktu perjanjian dengan Tuhan memberi peluang kepada kita untuk mendekat kepada Hadirat Allah iaitu sumber mata air kehidupan yang tidak pernah putus. Di dalam Hadirat Allah dia memberi kita makan FirmanNya dan Roh-Nya. Tetapi ia lebih daripada hanya membaca Alkitab dan berdoa. Ia juga adalah masa untuk membangun keintiman dengan Tuhan.

Apabila kita memiliki waktu perjanjian dengan Tuhan, yakinlah bahawa Dia sangat mahu untuk menyatakan diri pada waktu temujanji itu. Jadi, apabila kita gagal untuk menunjukkan diri, atau selalu membatalkan temujanji itu, Dia akan merindukan kehadiran kita. Bukan kerana Dia tidak tahu dimana kita berada, tetapi ketidakhadiran kita daripada waktu perjanjian itu akan membuat Dia rindu kepada kita. Tuhan menghormati perjanjian. Lebih-lebih lagi waktu perjanjian dengan Dia. Apabila kita menghormati perjanjian dengan Tuhan, Da sangat bersukacita dan pasti mencurahkan hadiratNya ke atas kita.

Bagaimana Tuhan “rindu” kepada kita? Dia merindukan kita kerana Dia membenarkan diri-Nya menjadi terdedah kepada kita. Maksudnya Dia membenarkan diri-Nya “terjejas” dengan ketidakhadiran kita daripada waktu perjanjian dengan Dia. Waktu perjanjian adalah mezbah doa peribadi harian kita dan persekutuan dengan Tuhan. Ia juga menjadi waktu penyembahan korporat mingguan kita. Itulah yang dilakukan kasih kepada kita. Apabila kita mengasihi, kita menyerahkan diri kita terdedah secara emosi kepada orang yang kita kasihi. Sekiranya orang yang kita kasihi tidak hadirkan diri dalam temujanji, kita akan sangat merindukan waktu perkongsian dan persekutuan.

## DOA

Pandanglah bangsa-bangsa dan orang ramai, minta kepada TUHAN untuk melakukan mukjizat di mana ramai orang diselamatkan melalui gereja yang mengerjakan mukjizat. TUHAN, bangkitkanlah kita sekali lagi!

## Mukjizat Berlaku

Tetapi Petrus berkata: "Emas dan perak tidak ada padaku, tetapi apa yang kupunyai, kuberikan kepadamu: Demi nama Yesus Kristus, orang Nazaret itu, berjalanlah!" Lalu ia memegang tangan kanan orang itu dan membantu dia berdiri. Seketika itu juga kuatlah kaki dan mata kaki orang itu. Ia melonjak berdiri lalu berjalan kian ke mari dan mengikuti mereka ke dalam Bait Allah, berjalan dan melompat-lompat serta memuji Allah.

### KPR 3: 6-8

Pernahkah anda berdepan dengan suatu cabaran atau situasi yang melampaui diri anda? Tiada apa-apa dalam pengalaman atau imaginasi anda yang mungkin dapat menyelesaikannya? Dalam keadaan seperti itu, sangat mudah bagi kita untuk cuba menyelesaikan masalah tersebut dengan usaha sendiri. Kadang-kadang kita mungkin akan berdoa, dengan harapan bahawa semuanya akan berjalan lancar, dan terus membuat rancangan kita sendiri untuk mengatasinya.

Jangan salah faham. Kita memang perlu mengambil tanggungjawab dan bertindak secara proaktif bila menghadapi cabaran. Tetapi ada masanya kita akan berdepan dengan “gergasi” dalam hidup kita. Kita sangat mudah ditakuti oleh gergasi ini dan tunduk kepada tekanan mereka, dan menyesuaikan diri kita sendiri untuk mengikut cara mereka. Seperti orang lumpuh dalam petikan Alkitab hari ini. Dia menjadi lumpuh sejak lahir. Ia adalah mustahil bagi dia untuk mengatasi gergasi kelumpuhan ini sehingga dia terpaksa menyerah kepadanya. Dia hidup sebagai orang cacat atau kurang upaya – mengemis untuk mencari nafkah.

Kemungkinan atau harapan bagi dia untuk berjalan semula serta bekerja dan mampu mencari nafkah untuk dirinya sendiri adalah sangat tipis. Seinggalah dia mengalami kuasa Yesus. Mukjizat berlaku bila dia dicabut keluar daripada penyakit dan rasa putus asa. Hasil daripada penyembuhan mukjizat ini, bukan sahaja orang lumpuh tersebut mendapat kehidupan baru, malah seramai 5000 orang ditambahkan kepada Gereja (KPR 4: 1-4).

Hari ini, anda mungkin berdepan dengan cabaran yang nampak mustahil untuk di atasi (sekurang-kurangnya mengikut pandangan manusia), dan hanya mukjizat sahaja yang boleh mengatasinya! Percayalah bahawa orang Nazaret, Yesus yang pernah menyembuhkan orang (yang pernah) lumpuh itu akan juga menyembuhkan anda! Inilah masa dan musim untuk menyeru api kebangkitan Pentakosta untuk turun ke atas kita sekali lagi kerana mata Yesus memandang kepada orang ramai dan bangsa-bangsa. Hanya Dia sahaja yang boleh memperbolehkan Gereja untuk menjangkau orang ramai dan membawa bangsa-bangsa kembali kepada Dia. TUHAN akan melakukannya di dalam dan melalui Gereja dengan membangkitkan kita sekali lagi.

Hanya mukjizat dari TUHAN yang boleh melakukannya!

Tuhan rindu untuk memiliki persekutuan dengan kita. Dia rindu untuk muat turun sumber-sumbernya ke dalam kehidupan kita. Cara Dia dapat melakukannya ialah apabila kita memiliki waktu perjanjian dengan Dia. Oleh itu, peliharalah waktu perjanjian dengan Dia. Hormatilah waktu perjanjian penyembahan mingguan dengan Tuhan. Dari situlah kita mendapat kekuatan dan kuasa Tuhan.

## DOA

Mohon kepada Tuhan untuk menyatakan “gergasi” dalam kamu dan di sekeliling kamu, yang menghalang jalan kamu untuk masuk ke dalam Janji-janji Allah. Berdoa kepada Tuhan untuk sebuah strategi untuk mengalahkan semuanya.

# Suara Tuhan

“Setelah pada zaman dahulu Allah berulang kali dan dalam pelbagai cara berbicara kepada nenek moyang kita dengan perantaraan nabi-nabi, maka pada zaman akhir ini Ia telah berbicara kepada kita dengan perantaraan Anak-Nya, yang telah Ia tetapkan sebagai yang berhak menerima segala yang ada. Oleh Dia Allah telah menjadikan alam semesta.

## Ibrani 1:1-2

Apabila kamu menerima email (atau surat tulisan tangan) daripada seseorang yang sangat kamu kenal, dan membaca kandungannya, kamu sepertinya secara mental membayangkan orang itu berbicara kepada kamu? Suara siapakah yang muncul di fikiran kamu? Bagi saya, saya cenderung untuk “mendengar” kata-kata email atau surat dalam suara penulis. Ia hanya boleh terjadi kerana saya telah berbicara dengan orang tersebut bersemuka dalam satu perbualan yang bermakna, atau telah mendengar daripada orang itu kata-kata yang tidak dapat dilupakan.

Membaca kata-kata daripada seseorang yang dimana suaranya kita tidak pernah dengar, akan membuat jarak tertentu di antara kita. Tidak mesra. Akademik atau legalistik. Terdapat perbezaan seperti langit dan bumi di antara Firman Allah dan Suara Allah. Yesus yang kita rayakan kebangkitanNya pada Hari Paskah, adalah Firman yang menjadi manusia. Dia telah membawa kita kepada fikiran dan suara Allah, mengungkapkan kepada kita hati Bapa. Alkitab adalah koleksi apa yang Allah katakan, bukan semata-mata apa yang Allah TULISKAN!

Allah mahu mengadakan perhubungan yang intim dengan kita. Dia mahu kita mendengar suara-Nya, yang keluar dari mulut-Nya. Perkataan yang dibawa oleh Suara-Nya memiliki hidup dan kuasa kreatif. Alangkah satu keistimewaan kepada kita! Apabila Dia berbicara kepada kita mengenal Dia dan sifat-sifat-Nya. Sama seperti apabila kita membaca email atau surat daripada seseorang yang kita kenal, kadangkala kita berkata, “Ini pastilah dia!”. Demikian juga, apabila kita biasa mendengar suara Allah, ketika kita membaca Alkitab, kita akan dapat membezakan kehendak Allah dan berkata, “Ini pastilah Dia!”

Oleh itu tentukan dalam hati kamu, bahawa kamu akan selalu mendengar suara Allah, dan bukan setakat mengetahui firman-Nya. Terdapat perbezaan seperti di antara langit dan bumi!

## DOA

Berdoa untuk semua murid-murid Yesus, di tempat kerja, rumah, sekolah atau mana-mana tempat yang telah TUHAN tempatkan kita, agar kita akan diberikan kuasa oleh Roh Kudus-Nya supaya memberi kesaksian yang benar bagi Yesus.

## Lebih dari satu lonjakan kuasa

Tetapi kamu akan menerima kuasa, kalau Roh Kudus turun ke atas kamu, dan kamu akan menjadi saksi-Ku di Yerusalem dan di seluruh Yudea dan Samaria dan sampai ke ujung bumi."

### KPR 1: 8

Pada suatu pagi, saya terbangun kerana gangguan eletrik di rumah. Biasanya, apabila ini berlaku pada awal pagi, bekalan elektrik akan dipulihkan dengan segera. Namun, saya menyedari bahawa ia akan berlanjutan untuk beberapa waktu, oleh itu saya pergi untuk memeriksa kotak fuis. Saya mendapati masalah itu bukan disebabkan oleh bekalan utama kerana saya melihat beberapa suis di dalam kota fuis telah tersandung. Dalam usaha untuk menyambung semula bekalan elektrik, saya membuat kesimpulan bahawa kami telah mengalami satu lonjakan kuasa.

Apabila kuasa datang kepada mana-mana penerima, ia akan menghasilkan suatu respon, ia akan memperlihatkan kehadirannya. Yesus berkata ketika Roh Kudus turun ke atas kita, kita akan menerima kuasa. Saya yakin Yesus memberitahu murid-murid-Nya kerana sebahagian sebabnya adalah mengenai keperluan murid-murid-Nya, yang hanya dapat dipenuhi ketika Roh Kudus memberikan kuasaNya kepada mereka. Sebab lain yang saya boleh fikirkan adalah kerana Dia mahu mereka bersedia untuk mengalami "lonjakan kuasa" ketika Roh Kudus datang kepada mereka.

Ramai orang dalam Gereja pada hari ini, menikmati lonjakan kuasa ini apabila Roh Kudus turun ke atas mereka. Ramai juga mengejar pengalaman ini kerana pelbagai sebab. Yesus telah menyatakan dengan jelas bahawa kuasa yang datang dari Roh Kudus memberi kuasa kepada murid-murid-Nya untuk menjadi saksi, kesaksian kepada Nama dan pelayanan Yesus, di mana mereka berada, ke mana mereka akan dihantar kemudian. Roh Kudus yang dijanjikan ini bukan hanya sekadar lonjakan kuasa. Dia dikurniakan kepada kita untuk tinggal di dalam kita. Kuasa Roh Kudus ini adalah untuk memuliakan Nama Yesus di dalam hidup kita. Pekerjaan Roh Kudus di dalam dan melalui kita adalah untuk menolak kuasa kegelapan di hidup kita, keluarga, gereja, kota dan negara. Tujuan pelayanan Roh Kudus adalah untuk mendirikan kerajaan Allah di bumi.

Kita memerlukan kuasa Roh Kudus di dalam hidup kita. Tanpa Dia, semua kerja dan usaha kita adalah tidak keberhasilan. Dengan adanya Dia, Dia akan berbuah dalam semua bahagian hidup kita untuk menunjukkan orang lain jalan kepada Yesus.

Semoga hidup kita memuliakan Nama Yesus!

## DOA

Baca Mazmur 33 hari ini. Berdoa dan harapkan Tuhan berbicara kepada kamu, tentang hidup kamu dan tentang siapa Dia. Berilah tindak balas yang sepatutnya.

# Hati yang memilikinya

“Kamu akan Kuberikan hati yang baru, dan roh yang baru di dalam batinmu dan Aku akan menjauhkan dari tubuhmu hati yang keras dan Kuberikan kepadamu hati yang taat. Roh-Ku akan Kuberikan diam di dalam batinmu dan Aku akan membuat kamu hidup menurut segala ketetapan-Ku dan tetap berpegang pada peraturan-peraturan-Ku dan melakukannya. Dan kamu akan diam di dalam negeri yang telah Kuberikan kepada nenek moyangmu dan kamu akan menjadi umat-Ku dan Aku akan menjadi Allahmu..”

## Yehezkiel 36:26-28

Dalam tubuh manusia, apabila jantung berhenti berfungsi, walaupun dalam masa yang sekejap, tubuh terancam dengan kematian. Jantung memegang garis hidup manusia. Keadaan jantung selalunya memberi kesan kepada bahagian fizikal seseorang, tetapi juga memberi kesan kepada jiwa dan roh. Jantung mengawal membekalkan bahan-bahan asas untuk menyokong nyawa kepada seluruh tubuh – oksigen.

Alkitab menggunakan gambaran hati untuk menggambarkan pusat seseorang. Apapun yang terjadi kepada hati memberi kesan langsung kepada kesihatan rohani dan emosi, perhubungan, dan malah keadaan di sekitar kita! Petikan Alkitab hari ini memberitahu kita dalam istilah yang tidak pasti, bilakah hati kita benar (sihat dan taat, terbuka kepada Tuhan), ia membawa kepada ketaatan dan penyembahan, dan ia membawa kita kepada pengggenapan janji-janji Allah dan “Tanah Perjanjian” kita.

Bagaimanakah keadaan hatimu? Adakah ia tertutup kepada Firman Allah? Adakah ia keras dan tidak dapat merasakan kasih Bapa? Adakah duri yang menyusuknya? Atau ia bebas daripada semua kepahitan, kemarahan dan kesedihan? Saya tidak berkata bahawa kita tidak akan pernah merasa sedih, marah atau putus asa dengan orang lain, tetapi emosi ini menguasai seluruh hati kamu, atau sebahagiannya?

Fokus kepada hati pada tahun ini. Benarkan Tuhan untuk memberikan kamu sebuah hati yang baru. Ya, sebuah hati yang baru, tidak berpegang dan menjaga hati yang lama. Hanya Tuhan saja yang dapat melakukan hal ini. Apabila hati adalah benar, maka semuanya akan terjadi dengan benar, seperti yang Tuhan mahukan. Seluruh hidup kita, bahagian yang sangat penting adalah hati.

Hati memilikinya!

## DOA

Angkatlah setiap keputusan dalam hidup kita dan juga mereka yang mengalami keputusan kepada TUHAN. Meminta kepada TUHAN untuk membangkitkan harapan di mana harapan diperlukan.

## Harapan untuk yang mereka putus asa

Bersorak-soraklah dengan nyaring, hai puteri Sion, bersorak-sorailah, hai puteri Yerusalem! Lihat, rajamu datang kepadamu; ia adil dan jaya. Ia lemah lembut dan mengendarai seekor keledai, seekor keledai beban yang muda... Mengenai engkau, oleh karena darah perjanjian-Ku dengan engkau, Aku akan melepaskan orang-orang tahananmu dari lobang yang tidak berair. Kembalilah ke kota bentengmu, hai orang tahanan yang penuh harapan! Pada hari ini juga Aku memberitahukan: Aku akan memberi ganti kepadamu dua kali lipat!

### **Zakaria 9: 9, 11-12**

Nubuat Zakaria telah disempurnakan ketika Yesus memasuki Yerusalem di mana Dia telah dialu-alukan oleh orang ramai. Yesus dialu-alukan dengan ranting pohon palma, sambil menunggang keldai. Kepentingan peristiwa ini masih kekal bersama kita sehingga hari ini. Raja Mulia, Raja Kerajaan Allah, Mesias, Penyelamat dunia telah datang kepada kita!

Yesus datang ke dunia ini untuk menyampaikan sesuatu daripada Allah kepada manusia. Sesuatu yang manusia sangat memerlukan tetapi tidak dapat dicapai dengan usaha sendiri. Kesan kedatangan-Nya tidak boleh diubah. Orang-orang tahanan yang berada dalam lubang yang tidak berair, kering, lemah dan penuh dengan kematian, akan diselamatkan. Mereka adalah “tahanan tanpa harapan”, dan kini mereka menjadi “tahanan yang berharapan”. Masih seorang tahanan, tetapi sebelum kedatangan Mesias, tidak ada harapan. Apabila Mesias datang, orang-orang tahanan yang tidak ada harapan dipenuhi dengan harapan. Harapan untuk pemulihan, pemulihan yang berganda, telah tiba.

Bagaimanakah “orang tahanan tanpa harapan” ini dibebaskan? Dengan mengalu-alukan Raja Mulia ke dalam hidup mereka. Mesias telah tiba. Dia telah membawa harapan kepada mereka yang lemah dan yang tidak ada harapan. Tetapi keselamatan-Nya bagi kita tidak diberikan kepada kita secara pasif. Ia memerlukan kita untuk memilih Yesus, jalan-Nya dan firman-Nya. Ia memerlukan kita untuk membuka hati kita kepada Yesus.

Pada Minggu Palma ini, biarlah semua “orang tahanan tanpa harapan” membuka hati mereka kepada Mesias. Hanya anda boleh memilih untuk membuka hati anda. Apabila anda mengalu-alukan Raja Mulia ke tempat yang kering dan gersang dalam hidup anda, Dia pasti akan memulihkan kepada anda apa yang telah dicuri oleh musuh!

Pilihan di tangan anda.

## DOA

Apakah keadaan hati kamu? Mintalah kepada Tuhan untuk menyatakan kepada kamu bahagian dalam hati kamu yang memerlukan “pembedahan”. Bukalah hati kamu kepada Tuhan dan undanglah Roh Kudus untuk masuk ke dalam hati kamu dan mengizinkan Dia untuk melakukan pekerjaan-Nya.

# Masalah Hati

“Sebab hati bangsa ini telah menebal, dan telinganya berat mendengar, dan matanya melekat tertutup; supaya jangan mereka melihat dengan matanya dan mendengar dengan telinganya dan mengerti dengan hatinya, lalu berbalik sehingga Aku menyembuhkan mereka.”

## KPR 28:27

Pesakit jantung tidak mempunyai kuasa atas masalah jantungnya apabila jantungnya dikuasai oleh lemak atau tersumbat oleh lemak. Ia bukanlah satu jenayah bahawa seseorang tersebut memiliki masalah itu. Pesakit tidak pernah didenda kerana masalah jantungnya.

Sama seperti masalah fizikal, jantung tidak terjadi satu malam, begitu juga dengan masalah rohani hati yang muncul entah dari mana. Hidup yang cuai dan lalai selalunya membawa kepada masalah kesihatan. Keengganan yang berterusan untuk mendengar suara Tuhan dan melihat kebenaran Tuhan akan akhirnya membawa kepada kebodohan hati, dan akhirnya dalam keadaan yang memusnahkan dan merosakkan.

Semasa Persekutuan Doa baru-baru ini, Tuhan menunjukkan kepada saya gambar hati yang dipenuhi dengan lemak. Akibatnya, hati tidak dapat merasakan kasih Tuhan. Hati tersebut terputus daripada sumber-sumber Tuhan – kebenaran-Nya, hikmat-Nya, kuasa dan pengertian. Terjemahan Living Bible menekankan “hari yang keras” atau “hari yang bodoh” kerana hatinya telah menebal. Ramai orang oleh kerana ketebalan hati mereka, hidup di dalam keputusan dan kekalahan yang berterusan. Mereka mencari penyembuhan dan penerobosan tetapi tidak menemukannya. Tetapi untuk mengatasi masalah hati yang menebal memerlukan kita untuk mengenalpasti tindakan, keputusan kedegilan dan pemberontakan yang membawa kepada masalah hati ini. Setelah kita bertaubat daripadatindakan dan keputusan masa lalu, yang terkumpul beberapa waktu, kita kemudiannya membuka hidup kita kepada pemulihan dan penyembuhan kasih karunia Allah dalam setiap bahagian kehidupan kita.

Pesakit jantung perlu menjaga diet dan berdisiplin untuk tidak mengambil makanan yang akan menjejaskan kesihatannya supaya dapat sembuh. Oleh itu, kita juga harus menjaga apa yang kita berikan kepada roh kita dan hindari kejahatan, sekiranya kita mahu menerima kesembuhan dan penerobosan. Sekiranya kita mahu memulihkan hidup kita kepada kehendak Allah yang sempurna, kita harus memilih untuk melihat kebenaran Allah, mendengar suara Allah dan memahami pernyataan diri-Nya dan kehendak-Nya.

Singkirkan lemak daripada jantung anda, dan kamu akan memiliki hati yang sihat!

## DOA

Mintalah pembaharuan dalam kasih, semangat dan komitmen kamu kepada TUHAN. Bukakan hati kamu untuk penyegaran Roh Kudus dan minta kepada Tuhan untuk penuhi kamu sekali lagi bagi pekerjaan dan pelayanan-Nya.



# Mereka yang lapar akan dipuaskan

Akulah TUHAN, Allahmu, yang menuntun engkau keluar dari tanah Mesir: bukalah mulutmu lebar-lebar, maka Aku akan membuatnya penuh.

## Mazmur 81: 10

Pentakosta menandakan masa TUHAN untuk Gereja memasuki ke dalam destininya. Inilah masa TUHAN untuk mencurahkan sumber-sumber-Nya ke dalam Gereja kerana Dia tahu bahawa Gereja memerlukan (dan masih memerlukan) pekerjaan luar biasa Roh Kudus untuk menyempurnakan Amanat Agung!

Berasal daripada perkataan Yunani “lima puluh”, Pentakosta mendapat namanya kerana ia jatuh pada hari kelima-puluh selepas hari Paskah. Pentakosta juga dikenali sebagai “Hari Raya Tujuh Minggu”, “Hari Raya Menuai” dan “Hari Hulu Hasil”. Semasa perayaan menuai ini, orang Yahudi akan mempersembahkan kepada Allah hasil sulung daripada penuaian mereka sebagai kesyukuran, dan menjangka TUHAN akan memberi penuaian selebihnya sebagai berkat-Nya. Hari Pentakosta ini merupakan hari hulu hasil bagi gereja Kristus, permulaan untuk penuaian jiwa yang besar, di mana mereka yang datang mengenali Kristus akan disatukan melalui pekerjaan Roh Kudus. (Dipetik daripada NKJV Study Notes)

Walaupun secara keseluruhannya merupakan pekerjaan Allah, tetapi ia juga bergantung pada tahap kelaparan kita terhadap pencurahan Roh Kudus. TUHAN inginkan kita untuk mengalami Kebangkitan. Tetapi bagaimana dengan keterbukaan kita? Bagaimanakah dengan tahap kedesakan kita untuk kitaran baru “50” hari ini, untuk musim menuai yang akan datang? TUHAN telah menuntun kita dari kegelapan (Mesir) ke dalam Kerajaan-Nya (Tanah Perjanjian), untuk saat-saat ini di mana kita dikuatkan oleh kuasa-Nya. Jika kita membuka mulut kita, Dia pasti akan memenuhinya. Tahap pemenuhan bergantung pada tahap keinginan kita.

Hari ini, mintalah dengan bersungguh-sungguh api Pentakosta demi kemuliaan-Nya dan demi Nama-Nya sahaja!

## DOA

Bertaubat daripada sebarang tindakan, keputusan di masa lalu yang disebabkan oleh keangkuhan, kesombongan dan pemberontakan. Carilah belas kasih dan anugerah Tuhan untuk kesembuhan dan pemulihan.

## Tersembunyi di dalam hati

“Sebab tidak ada sesuatu yang tersembunyi yang tidak akan dinyatakan, dan tidak ada sesuatu yang rahasia yang tidak akan tersingkap. Barangsiapa mempunyai telinga untuk mendengar, hendaklah ia mendengar!”

### Markus 4:22-23

Ia adalah prinsip dalam hidup bahawa segala sesuatu yang tersembunyi akhirnya akan terdedah. Prinsip ini berlaku secara semula jadi dan juga dalam kerohanian. Selama beberapa tahun, penemuan arkeologi telah mendedahkan kebenaran beberapa catatan Alkitab yang tidak berasas sebelum penemuan tersebut. Mereka baru sahaja mengesahkan keaslian dan ketepatan Alkitab.

Sementara kita merasa sangat teruja untuk mengetahui kisah-kisah Alkitab adalah benar, ia lebih penting bagi kita bahawa prinsip-prinsip Alkitab tidak lapuk dan sesuai diterapkan kepada kita pada hari ini. Terdapat banyak perkara yang kita simpan dalam hati kita atas beberapa alasan. Beberapa di antaranya adalah memori dan pengalaman yang manis. Beberapa yang lain pula adalah peristiwa yang memberi kesan – baik atau buruk. Apapun yang kita simpan dalam hati kita, semua itu adalah hal yang kita tidak mahu “buangkan”, sehingga bertimbun di dalam. Waktu berlalu, kita mungkin akan melupakannya. Kita mungkin boleh menguburnya, jika ia tidak begitu menggembirakan, atau sangat sakit untuk diingat kembali. Apapun yang kita kuburkan akan memberi kesan kepada kehidupan dalam kita. Ia akan mengubah tindak balas emosi, dan mental dalam kita. Ia akan mempengaruhi dalam membentuk sistem kepercayaan kita, nilai sistem kita dan menentukan rasional kita.

Apa yang disembunyikan, terkubur di dalam hati kita pada masa lalu, tidak akan terus senyap. Ia akan muncul di permukaan dan tertunjuk dengan sendiri dalam pelbagai bentuk. Buah dari dalam. Benih yang baik, akar yang bagus akan membuahkan kebenaran. Benih yang tidak baik, akar yang jahat akan menghasilkan buah kemusnahan. Pemazmur berkata, *“Selidikilah aku, ya Allah, dan kenallah hatiku, ujilah aku dan kenallah pikiran-pikiranku; lihatlah, apakah jalanku serong, dan tuntunlah aku di jalan yang kekal! (Mazmur 139:23-24)*

Tentukan hari ini bahawa kamu membenarkan Tuhan untuk menyelidiki hati kamu. Meminta Dia mendedahkan akar yang jahat di dalam hidup kita. Bawalah semuanya kepada Tuhan dan benarkan Dia menanganinya sesuai dengan kehendak-Nya. Kita tidak boleh membenarkan benih yang jahat berada di dalam kita. Satu hari kelak ia akan menunjukkan kepalanya yang hodoh. Minta Tuhan untuk meneguhkan dan menguatkan akar yang baik dan memelihara benih yang baik agar ia menghasilkan buah kebenaran satu hari nanti.

## DOA

TUHAN, sucikanlah hidupku agar seluruh hidupku menjadi satu tempat kudus bagi-Mu. Jadikanlah semua perkara dalam hidupku setia kepada-Mu, dan dikuduskan untuk tujuan-Mu, agar ia boleh menarik hadirat-Mu. Biarlah hadirat-Mu tinggal dan kekal di dalamku, seperti mana aku memilih untuk tinggal dan kekal di dalam Yesus, supaya setiap pekerjaan kegelapan dan akibat-akibatnya di dalam hidupku dan keluargaku akan dimusnahkan dan disingkirkan. Dalam Nama Yesus, Amen.

# Penyembah-penyembah Benar

Tetapi saatnya akan datang dan sudah tiba sekarang, bahwa penyembah-penyembah benar akan menyembah Bapa dalam roh dan kebenaran; sebab Bapa menghendaki penyembah-penyembah demikian.

## Yohanes 4: 23

Ungkapan "penyembah benar" tidak bererti bahawa ada penyembah "kurang dari benar" atau bahkan "palsu" di kalangan umat Tuhan. Ketika Yesus menggunakan ungkapan ini, saya percaya Dia ingin menekankan bahawa semua penyembahan yang menyenangkan Allah mestilah “dalam roh dan kebenaran”.

Dalam roh, kerana penyembahan yang Allah inginkan daripada kita haruslah berasal dari hati, dari intipati seluruh keberadaan kita; benar-benar fokus, penuh dengan komitmen. Dalam kebenaran, kerana kita tidak dapat menyembah TUHAN yang kita tidak kenali, dan penyembahan kita haruslah ikhlas, terutamanya kepada Dia, tanpa apa-apa agenda tersembunyi dalam hati kita – kita tulus dan benar. Kita mesti mengenali TUHAN kita untuk mempersembahkan penyembahan yang berkenan kepada Dia. Kita mesti mempercayai Allah sebelum kita boleh mendekati -Nya dalam penyembahan (Ibrani 11:6).

Kita mesti jujur dengan diri kita sendiri bahawa kadang kala penyembahan kita tidak sepenuhnya “dalam roh dan kebenaran” sepertimana yang diuraikan. Maka kita perlu kembali kepada cara hidup yang konsisten dalam penyembahan benar. Kerana Allah mencari penyembahan sebegini. Dia sedang mencari penyembah-penyembah benar untuk didekati oleh Dia. Penyembahan yang benar menarik hadirat Allah. Apabila hadirat Allah bersama dengan umat-Nya, maka kemuliaan-Nya akan ternampak di dalam diri mereka.

## DOA

Tuhan, saya menyerahkan semua kesakitan, kesalahan, penyesalan, dendam, yang lama dan sebarang penipuan iblis. Bebaskan saya daripada semua ikatan ini. Cabutlah akar yang pahit di dalam saya. Singkirkan semua benih yang jahat daripada hati saya, keluarga saya atau sebarang bahagian daripada hidup saya. Dari hari ini, kiranya hati saya menjadi tanah yang baik untuk penanaman benih yang baik. Dalam nama Yesus saya berdoa. Amin.

# Hati yang hancur

Bukankah tangan-Ku yang membuat semuanya ini, sehingga semuanya ini terjadi? demikianlah firman TUHAN. Tetapi kepada orang inilah Aku memandang: kepada orang yang tertindas dan patah semangatnya dan yang gentar kepada firman-Ku.

## Yesaya 66:2

Setahun sekali pada Hari Penebusan, Tuhan memerintahkan hari pertaubatan untuk mengakui secara spesifik dosa umat dan bangsa-Nya. Pertaubatan korporat bermula dengan pertaubatan peribadi. Ia bukanlah setakat hari untuk melalui puasa dan doa, tetapi hati yang benar-benar insaf akan semua dosa kita, kita datang untuk memohon belas kasihan dan pengampunan Allah.

Seseorang yang miskin, dalam perkataan yang sedar, dengan roh yang hancur yang mengambil perhatian yang serius akan firman Tuhan, membawa perhatian Tuhan kepadanya. Perhatikan bukanlah seorang lelaki yang sempurna yang menawan hati-Nya, tetapi seseorang yang rendah hati. Hari yang membawa kepada Hari Penebusan adalah satu peluang untuk kita mendekat kepada kasih karunia Allah. Ini adalah waktu yang ditentukan bersama Tuhan, untuk menjadi terbuka kepada Dia dan memohon pengampunan daripada Dia akan dosa-dosa dan kegagalan, mengaku kelemahan dan ketidaksempurnaan kita.

Hari Penebusan (Yom Kippur) sangat bererti bagi kita kerana kita telah menerima Penebusan darah Yesus yang tercurah bagi kita di atas kayu salib. Dosa-dosa yang mengikat kita, malah kesalahan dalam darah kita, dibersihkan sepenuhnya. Salib menandakan permulaan sebuah kitaran baru berkat Allah, ia menandakan pengakhiran kitaran lama dosa dan kutuk. Senaraikan segala sesuatu yang menjadi milik kepada kitaran lama, bawalah semuanya kepada sikap kerendahan hati dan pertaubatan. Lihatlah kepada Tuhan untuk satu permulaan “Baru”, bermula dengan kita. Lepaskan semua perkara yang menghalang kita. Jika tidak, Allah tidak dapat membebaskan kita daripada semua yang “lama”. Sekiranya kita tidak dibebaskan daripada pola pemikiran lama, cara hidup dan sikap, kita tidak dapat menerobos ke dalam Keberhasilan dan kelimpahan yang baru.

Marilah kita mengambil langkah iman ke hadapan, dan berharap untuk melihat penerobosan daripada Tuhan!

Apa sahaja keadaan dan peringkat perjalanan anda dengan TUHAN, Dia selalu bersama anda dalam musim baru ini. Dia ingin tinggal di dalam “Kemah Suci” anda. Dia tidak pernah dan tidak akan meninggalkan anda. Anda tidak akan bersendirian, jika anda membenarkan Dia untuk masuk ke dalam hidup anda.

Marilah kita dengan lebih lagi mahukan Tuhan dalam tahun Ibrani 5779 ini, sebagaimana Dia mahu mencurahkan apa yang “baru” dan yang “lebih” kepada kita!

## DOA

Mintalah kepada TUHAN untuk menyatakan apakah perkara-perkara yang “baru” yang Dia akan bawakan kepada kamu. Marilah kita memiliki satu sikap “kirbat anggur baru” supaya kita boleh menerima dan mendakap yang “baru”.

## Panjangkan tali-tali Kemah Suci-mu

Lapangkanlah tempat kemahmu, dan bentangkanlah tenda tempat kediamanmu, janganlah menghematnya; panjangkanlah tali-tali kemahmu dan pancangkanlah kokoh-kokoh patok-patokmu!

### Yesaya 54: 2

Semasa Perayaan Pondok Daun, kita merayakan janji hadirat TUHAN bersama kita di dalam “Kemah Suci” kita. Perayaan ini memperingati hadirat, perlindungan dan pembekalan TUHAN bagi umat Israel ketika mereka dibebaskan daripada perhambaan di Mesir, waktu mereka berada di padang gurun. Allah yang membebaskan mereka juga merupakan Allah yang akan bersama mereka dan tidak akan membiarkan mereka untuk menanggung penghidupan mereka seorang diri. Allah yang menjanjikan mereka Tanah Perjanjian adalah TUHAN yang akan memastikan mereka memiliki kejayaan untuk mewarisinya.

Dalam Perayaan Pondok Daun, umat Israel diminta untuk mendirikan pondok-pondok untuk didiami. Ini adalah untuk mengingatkan mereka bahawa TUHAN yang setia, Bapa yang Maha Pengasih telah menyediakan tempat perlindungan dan semua keperluan mereka semasa mereka berada di padang gurun. Walaupun mereka belum memasuki tanah Kanaan, TUHAN sentiasa memerhati dan menjaga mereka.

TUHAN, melalui Perjanjian-Nya dengan umat-Nya, menjanjikan pemulihan akan berlaku selepas mereka mengakui dan bertaubat atas dosa-dosa mereka. Hari Penebusan atau 10 Hari Pertaubatan sebelum Perayaan Pondok Daun memberikan kita satu kesempatan untuk merenung kembali tahun yang lalu dan meminta pengampunan TUHAN atas dosa-dosa kita. TUHAN bukan sahaja menjanjikan pemulihan terhadap apa yang telah hilang, tetapi juga pengembalian yang berkelimpahan, buah yang berlipatganda. Itulah sebabnya Dia meminta umat-Nya untuk “melapangkan kemah kita, memanjangkan tali-tali”, untuk menyediakan ruang bagi Dia untuk mencurahkan kelimpahan-Nya!

Pemulihan dalam hidup kita dan kelimpahan kita berkait erat dengan hadirat-Nya. Saat kita menjangka pencurahan yang luar biasa di musim ini, marilah kita “memanjangkan tali-tali Kemah Suci kita”, untuk menyediakan ruang bagi hadirat-Nya. Marilah kita meningkatkan penyembahan kita kepada Allah dalam kehidupan seharian kita; jadikanlah Dia pusat fokus di hidup kita, dalam hubungan kita bersama orang lain, dalam proses kita membuat keputusan dan jadikan Dia tujuan iman kita. Marilah kita lebih mengenali dan mengakui Dia, lebih bersyukur kepada Dia dan lebih mempercayai Dia.

## DOA

Minta Tuhan untuk menghancurkan sebarang kitaran kutuk, kegagalan, dan kekecewaan atau dosa. Bertaubat daripada sebarang pola pemikiran lama, sikap dosa dan berdoa untuk kitaran yang baru akan ketaatan, keberhasilan dan kelimpahan untuk menerobos kedalam hidup kamu.

# Kitaran Perkara

Sebab barangsiapa menabur dalam dagingnya, ia akan menuai kebinasaan dari dagingnya, tetapi barangsiapa menabur dalam Roh, ia akan menuai hidup yang kekal dari Roh itu.

## Galatia 6:8

Seseorang memperhatikan bahawa pasaran kewangan dunia bekerja dalam kitaran. Pasaran bergerak naik turun dalam kitaran tertentu di dalam satu jangka masa. Terdapat banyak perkara dalam hidup kita, di mana kita perhatikan, yang juga bergerak dalam kitaran. Beberapa pola keadaan berulang ini adalah baik, dan beberapanya juga membawa kesan berbahaya.

Tiada yang terjadi dalam waktu yang singkat dalam hidup kita. Ia berlaku kerana apa yang telah terjadi pada masa lalu. Alkitab memberitahu kepada kita apa yang kita tabur, itu yang kita tuai. Apabila kita menabur dalam kedagingan, kita akan menuai yang jahat. Jika kita menabur daripada keinginan daging, kita tidak akan menghasilkan buah yang kekal, atau tidak berbuah. Namun, sekiranya kita menabur dalam roh, kita akan menuai kehidupan. Jenis kehidupan yang datang daripada Tuhan. Sekiranya kita menabur dalam kelimpahan sumber-sumber Allah dalam roh, kita menuai buah yang banyak, jenis buah yang kekal (Yoh 15:16)

Kitaran menabur dan menuai akan berterusan, sama ada untuk yang baik juga untuk yang jahat. Kitaran dosa dan kutuk akan berterusan sehingga dosa-dosa diakui dan kutuk dipakukan di atas kayu Salib Yesus. Ia tidak akan hilang secara semulajadi. Menabur boleh bermula daripada kita yang mahu mengikut cara kita sendiri, enggan untuk mendengar daripada nasihat bjiak Firman Tuhan atau lelaki dan wanita yang saleh. Menabur juga boleh dikuasai oleh ketakutan. Apabila kita menabur ketakutan, kita menuai kematian. Iman tidak akan bangkit, oleh itu kita akan terhalang, terpisah daripada berkat Tuhan dalam Kristus Yesus.

Dalam kata lain, apabila kita menabur dalam kebenaran, dan ketaatan kepada Tuhan, mendengar suara-Nya, kita menuai berkat yang melimpah (Ulangan 28:1-2). Tanaman yang dimotivasikan oleh kasih kepada Tuhan akan membawa kita ke dalam kitaran berkat ilahi, bukan hanya untuk diri kita sahaja, tetapi juga untuk generasi seterusnya. Apabila kita menabur dalam takut akan Tuhan, hasil atau tuaian akan menarik hadirat dan berkat Tuhan dalam isi rumah, gereja kita, kota dan bangsa kita.

Tentukan hari ini untuk sewajarnya Kuasa Salib dan Darah Yesus untuk menghancurkan setiap kitaran yang tidak ilahi dan tidak benar. Pilihlah untuk menabur dalam kesalehan dan menabur dalam Roh, untuk memulakan kembali kitaran yang saleh dalam kehidupanmu!

## DOA

Mintalah kepada TUHAN untuk menunjukkan di mana dan bagaimana kamu boleh menabur dari segi:

- Kewangan
- Masa
- Kata-kata dorongan dan kata-kata kebenaran
- Benih Injil

# Pelaburan

Lebih baik berlindung pada TUHAN dari pada percaya kepada manusia. Lebih baik berlindung pada TUHAN dari pada percaya kepada para bangsawan.

## Mazmur 118: 8-9

Jika anda pernah membuat pelaburan dengan harapan untuk menerima faedahnya, maka anda dapat memahami Injil perumpamaan tentang talenta. Dalam perumpamaan ini, seorang bangsawan mempertanggungjawabkan hartanya kepada tiga orang hambanya sebelum dia pergi ke luar negeri. Apabila bangsawan tersebut pulang, dia memanggil hamba-hambanya untuk membuat perhitungan terhadap harta-harta yang dia telah pertanggungjawabkan kepada mereka waktu pemergiannya.

Salah satu hamba telah membuat pelaburan yang seharga dengan upah tiga bulan dan menerima sepuluh kali ganda pulangan. Hamba kedua juga telah membuat pelaburan, walaupun dengan jumlah yang sedikit, dia masih mendapat keuntungan untuk tuannya. Manakala hamba ketiga tidak membuat apa-apa pelaburan dan tidak mendapat apa-apa keuntungan. Oleh itu, bangsawan pun memuji kedua-dua hambanya tetapi menegur dengan keras hamba yang ketiga kerana gagal untuk menjadi pengurus yang baik.

Hidup kita seumpama perumpamaan ini, kita melaburkan masa dan bakat kita di suatu tempat. Seperti mana-mana pelaburan, harapan yang berkeyakinan dipercayai bahawa orang atau entiti yang terlibat akan membayar faedah, keuntungan, ganjaran, dll kepada kita. Tanpa kepercayaan, kita tidak akan membuat pelaburan dan oleh itu, kita tidak akan menerima sebarang pulangan. Kita tidak dapat mengawal sesuatu yang kita miliki melainkan kita dipercayai pihak yang menerima pelaburan kita.

Dalam semua peringkat hidup, keupayaan untuk dipercayai seseorang/sesuatu melibatkan iman; dan sebenarnya, dasar semua kepercayaan terletak kepada cara kita dipercayai TUHAN. Mempercayai TUHAN adalah pelaburan yang sama seperti pelaburan wang dan pelaburan masa kerana ia melibatkan komitmen kepada Dia, kita memberi diri kita kepada Dia dengan melabur keseluruhan diri kita dan semua yang kita miliki. Kepercayaan kepada Allah merupakan kepercayaan yang paling penting dalam hidup. Kepercayaan kepada Allah adalah asas bagi iman yang berkekalan. Mereka yang matang dalam iman juga bertumbuh dalam keyakinan yang mantap dengan dipercayai Allah Bapa di Syurga yang mengasihi.

*(Dipetik dari Renungan Harian Shirley Weaver “Held in Trust”)*

# DOA

Fokus kepada kota/bandar/kampung dan bangsa kita hari ini. Kenalpasti sebarang kitaran tidak saleh dan mula untuk bertaubat, bersyafaat dan ucapkan berkat ke dalamnya.

# Nasib boleh diubahkan

Yabes lebih dimuliakan dari pada saudara-saudaranya; nama Yabes itu diberi ibunya kepadanya sebab katanya: "Aku telah melahirkan dia dengan kesakitan." Yabes berseru kepada Allah Israel, katanya: "Kiranya Engkau memberkati aku berlimpah-limpah dan memperluas daerahku, dan kiranya tangan-Mu menyertai aku, dan melindungi aku dari pada malapetaka, sehingga kesakitan tidak menimpa aku!" Dan Allah mengabulkan permintaannya itu.

## 1 Tawarikh 4:9-10

Yabes adalah seorang lelaki yang diingati oleh ibunya sebagai seorang yang memberi kesakitan kepadanya. Kita tidak pasti sama ada kesakitan itu hanyalah secara fizikal atau juga secara emosi. Dia dinamakan “Yabes”, yang bermaksud kesedihan atau kesakitan, untuk mengingatkan dia bahawa dia menyebabkan kesakitan bila mana namanya dipanggil!

Betapa tragik dan sedihnya hal itu bagi seseorang, yang mana kehidupannya dicirikan sebagai “menyebabkan kesakitan”. Fikirkan tentang ejekan dan rasa malu yang ditanggung oleh seseorang selama hidupnya. Namun, Alkitab memberitahu kita bahawa Yabes enggan menerima hasil terakhir kehidupannya. Dia enggan dikenali sebagai terkutuk, seorang yang menyebabkan kesakitan. Dia berseru kepada Allah Israel. Dia meminta berkat, diperluaskan wilayahnya, kehadiran tangan kanan Allah yang kuat dan perlindungan. Semua perkara ini dia kekurangan kerana kutuk atas hidupnya. Di atas semuanya, dia merayu agar dia tidak menyebabkan kesakitan yang lain. Dia meminta untuk mengubah nasibnya dari kutukan, dan Tuhan memberikan apa yang dia minta.

Kutuk adalah ikatan yang mengunci seseorang di dalam kitaran nasib malang dan tidak berhasil. Ia memisahkan seseorang daripada berkat Bapa. Sama seperti Yabes, kamu juga boleh meminta kepada Tuhan untuk memberkati kamu dan memutuskan kutuk yang memisahkan kamu daripada berkat kelimpahan Bapa Syurgawi. Keyakinan kita terhadap kebebasan tersebut didasari di atas pekerjaan sempurna Salib Yesus:

*Kristus telah menebus kita dari kutuk hukum Taurat dengan jalan menjadi kutuk karena kita, sebab ada tertulis: "Terkutuklah orang yang digantung pada kayu salib!" Yesus Kristus telah membuat ini, supaya di dalam Dia berkat Abraham sampai kepada bangsa-bangsa lain, sehingga oleh iman kita menerima Roh yang telah dijanjikan itu. (Galatia 3:13-14)*

Bukan hanya kutuk dosa yang dipatahkan, kesan kutuk juga dapat diubahkan. Kamu boleh mengubah nasib kutuk dosa dalam hidup kamu!

# DOA

Buat satu senarai. Berdoa untuk mereka yang benar-benar memerlukan kebebasan yang hanya boleh diberikan oleh Yesus.



## Bebas dan Merdeka

Kata Yesus kepada mereka: "Aku berkata kepadamu, sesungguhnya setiap orang yang berbuat dosa, adalah hamba dosa. Dan hamba tidak tetap tinggal dalam rumah, tetapi anak tetap tinggal dalam rumah. Jadi apabila Anak itu memerdekakan kamu, kamupun benar-benar merdeka."

### Yohanes 8: 34-36

Ketika sebuah negara memperoleh kemerdekaan, ia memperoleh kebebasan daripada kuasa jajahan kolonial. Ia bebas untuk menentukan masa depan dan destininya sendiri. Kemerdekaan hanya mempunyai erti jika ia juga bermaksud kebebasan – bebas daripada kawalan, ikatan atau perhambaan.

Kemerdekaan tidak semestinya bermaksud kebebasan. Kemerdekaan mungkin bermaksud, *"bersendirinya; tiada siapa untuk disandar dan tiada seorang pun yang dia boleh bergantung"*. Jika seseorang atau sebuah negara memperoleh kemerdekaan tetapi bukan kebebasan, ia boleh menjadi perkara yang menakutkan. Dia mungkin mendapati dirinya terpencil, tidak berdaya, dibiarkan untuk menanggung diri sendiri, dan pada masa yang sama, masih terikat dalam perhambaan, kemiskinan, dll.

Ini bertentangan dengan rencana TUHAN untuk kita. Apabila manusia berdosa, kita jatuh ke dalam ikatan-ikatan dosa, diperhambakan untuk melakukan apa yang dikehendaki dosa. Seorang hamba dosa tidak mempunyai kebebasan untuk membuat keputusan yang akan memuliakan atau berkenan kepada Allah. Ia selalu memilih yang sebaliknya. Ia memilih untuk tidak bersandar kepada Allah, tetapi memilih untuk berdikari dari Dia. Teras utama kehidupan berdosa adalah kehidupan yang hidup berdikari dari Allah, dengan mengatakan, *"saya tidak memerlukan TUHAN, dan saya tidak akan bergantung kepada-Nya"*. Ketika Yesus datang untuk membebaskan kita daripada belitan dan perhambaan dosa, Dia juga memberi kita kebebasan yang benar, bukan sahaja kemerdekaan. Apabila kita dibebaskan, kita mempunyai kebebasan untuk memilih TUHAN dan jalan-Nya. Kerana jalan-Nya akan membawa kita ke dalam berkat dan kasih-Nya.

Kehidupan yang bebas dalam Kristus bukanlah "kehidupan yang berdikari". Apabila Kristus membebaskan kita daripada belenggu dosa, Dia memulihkan dan mengembalikan kita kepada hubungan yang asal dengan Allah Bapa. Allah Bapa adalah satu-satunya yang kita boleh bergantung dengan sepenuhnya dalam hidup ini. Kehidupan dalam Kristus bermakna merdeka daripada kuasa kawalan dosa dan kegelapan, dan bergantung kepada rahmat dan belas kasihan Allah. Dia sangat berkenan untuk melihat kita mempercayai Dia dengan sepenuhnya, 100% untuk semua yang kita perlukan dalam hidup. Dia sentiasa bersedia dan sanggup untuk membekalkan keperluan anak-anak-Nya

Bebaslah, bukan sekadar merdeka!

## DOA

Gunakan 1 Tawarikh 4:9-10, untuk berdoa agar kitaran nasib malang dan kesakitan diubahkan, dalam keluarga, gereja dan bangsa kita.

# Terdedah

Jiwaku tertekan dalam diriku, sebab itu aku teringat kepada-Mu dari tanah sungai Yordan dan pegunungan Hermon, dari gunung Mizar. Samudera raya berpanggil-panggilan dengan deru air terjun-Mu; segala gelora dan gelombang-Mu bergulung melingkupi aku.

## Mazmur 42:6-7

Apabila kita menenggelamkan satu kotak ke dalam air yang dalam, seperti laut, ia akan mengalami tekanan yang kuat. Lebih dalam ia pergi, lebih dalam tekanan yang dialaminya. Sekiranya terdapat titik kelemahan di beberapa bahagian kotak tersebut, atau kotak dibuat dengan bahan yang tidak begitu kuat, ia akan retak atau hancur.

Apabila kita mengalami tekanan dalam hidup, pencubaan dan ujian, titik terlemah dalam perwatakan, jauh dalam jiwa kita, akan terlebih dahulu menyerah dan tunduk kepada tekanan itu. Kelemahan ini disebabkan oleh isu yang tidak dapat diselesaikan dengan orang atau dengan Tuhan, terdedah kepada serangan, kelemahan perwatakan, kepahitan masa lalu, kemarahan, balas dendam, cela dalam kepercayaan kita, dll. Kita mungkin menguburnya dengan baik, meremehkannya (mengatakan ia bukan perkara besar), mengabaikannya atau terus melupakannya. Tetapi ia tidak pergi. Ia tetap menjadi titik yang terdedah kepada pekerjaan iblis yang memusnahkan.

Pemazmur di sini berbicara kepada jiwanya yang tertekan dalam ayat 6, menegur jiwanya untuk berharap kepada Tuhan dan memuji Dia. Dia berseru kepada Tuhan dari dalam manusiawinya. Oleh kerana titik kelemahan jauh di dalam hidupnya. Hanya Roh Tuhan yang datang daripada Tuhan, dapat menjangkau jauh ke dalam jiwa kita, untuk berhubung dengan bahagian kita yang mudah terdedah kepada serangan.

Hanya apabila kita membuka bahagian terdalam hidup kita kepada Tuhan, pekerjaan pembaharuan dan perubahan Allah akan mengambil tempat dalam hidup kita. Pemazmur dengan jelas menghadapi beberapa cabaran dalam hidup. Dia memilih untuk mengakui bahwa penyelesaian yang benar bermula dengan Tuhan datang untuk menyatakan isu-isu yang belum selesai jauh di dalam hidupnya.

Lihatlah jauh melebihi permukaan apabila kamu mahu mencari penerobosan atau penyelesaian atas cabaran yang kamu hadapi pada hari ini. Kiranya roh kamu bangkit dan berseru kepada Tuhan untuk Dia menyatakan hal-hal yang terdalam dalam fikiran-Nya kepada kamu. Benarkan Dia untuk menjangkau bahagian terdalam dalam hidup kamu!

# DOA

Memohon kepada TUHAN untuk memperluaskan iman kamu supaya kamu mempunyai kepercayaan akan satu penerobosan yang ajaib – bagi penyembuhan, pemulihan, hubungan, pembekalan kewangan, mengatasi ketidakpercayaan, dll. Berdoa mengikut bimbingan Roh Kudus.

## Percaya untuk berlakunya satu mukjizat

Lalu Ia naik ke perahu mendapatkan mereka, dan angin pun redalah. Mereka sangat tercengang dan bingung, sebab sesudah peristiwa roti itu mereka belum juga mengerti, dan hati mereka tetap degil.

### Markus 6: 51-52

Dan karena kami menafsirkan hal-hal rohani kepada mereka yang mempunyai Roh, kami berkata-kata tentang karunia-karunia Allah dengan perkataan yang bukan diajarkan kepada kami oleh hikmat manusia, tetapi oleh Roh. Tetapi manusia duniawi tidak menerima apa yang berasal dari Roh Allah, karena hal itu baginya adalah suatu kebodohan; dan ia tidak dapat memahaminya, sebab hal itu hanya dapat dinilai secara rohani.

### 1 Korintus 2: 13-14

Walaupun berhubung rapat dengan Yesus, murid-murid-Nya masih bergumul untuk percaya. Jelas sekali, bagi mereka untuk bergerak melebihi tahap pengalaman rohani peribadi mereka ke dalam mukjizat pelayanan Yesus bukanlah suatu perkara yang mudah. Pengertian mereka masih lagi terhad.

Seperti mereka, kita juga akan teragak-agak apabila Roh Allah melakukan sesuatu yang kita tidak boleh jelaskan secara intelektual, ataupun sesuatu yang aneh untuk dijelaskan. Kita akan teragak-agak kerana minda kita secara semulajadi akan menolak atau mengesampingkan apa-apa yang tidak dapat kita mengerti, dan hati kita menjadi keras dalam ketidakpercayaan. Kita perlu memahami dengan sepenuhnya, atau kita tidak akan percaya.

Mukjizat Allah adalah luar biasa dan itu pun kalau kita percaya kepada kuasa-Nya. TUHAN akan menyatakan kebenaran kepada kita melalui Roh Kudus dan kita menerima pelayan Roh-Nya hanya dengan satu cara – secara rohani – melalui hati roh. Inilah caranya bagaimana kehidupan rohani kita berfungsi.

Kekalkan iman untuk perkara yang mustahil bagi kita. Bersetuju dengan kasih Allah. Bersetuju dengan kuasa-Nya. Percayailah Dia dan jangan berhenti.

*(Dipetik daripada Renungan Harian Shirley Weaver)*

## DOA

Akui kelemahan kita kepada Tuhan. Bawalah semuanya kepada Tuhan dan minta Tuhan untuk menyatakan anugerah-Nya dalam setiap bahagian ini.

*Tetapi jawab Tuhan kepadaku, “Cukup kasih karunia-ku bagimu, sebab justru dalam kelemahanlah kuasa-ku menjadi sempurna.” (2 Korintus 12:9)*

# Kuasa suara Allah

Berilah kepada TUHAN kemuliaan nama-Nya, sujudlah kepada TUHAN dengan berhiaskan kekudusan! Suara TUHAN di atas air, Allah yang mulia mengguntur, TUHAN di atas air yang besar. Suara TUHAN penuh kekuatan, suara TUHAN penuh semarak. Suara TUHAN mematahkan pohon aras, bahkan, TUHAN menumbangkan pohon aras Libanon. Ia membuat gunung Libanon melompat-lompat seperti anak lembu, dan gunung Siryon seperti anak banteng. Suara TUHAN menyemburkan nyala api. Suara TUHAN membuat padang gurun gementar, TUHAN membuat padang gurun Kadesh gementar. Suara TUHAN membuat beranak rusa betina yang mengandung, bahkan, hutan digundulinya; dan di dalam bait-Nya setiap orang berseru: "Hormat!"

## Mazmur 29:1-2;4-6;9

Suara Allah membawa perintah dan keputusan-Nya. Ketika ia diucapkan, ia mencipta kesan, sebuah keputusan akhir akan sesuatu perkara. Apabila kita membaca Alkitab atau menerima pernyataan daripada Tuhan, ia memberikan kita peluang untuk membezakannya dengan fikiran Allah, kehendak-Nya dan penghakiman-Nya. Apabila kita taat kepada pernyataan ini, kita melihat Allah bekerja dalam hidup kita dan dalam keadaan kita.

Umat Allah memiliki keistimewaan yang indah. Dia menyampaikan fikiran-Nya kepada kita. Dia menyatakan perkara-perkara yang Dia mahu selesaikan kepada kita terlebih dahulu, sebelum melaksanakannya. Kita hanya perlu setuju dengan-Nya dan mengalir bersama suara-Nya. Kita mengisytiharkan perintah-Nya, dengan kuat! Kita bertindak balas kepada suara Allah dengan menyembah Dia dan bersorak, “Hormat!”

Terdapat percepatan dalam perkara-perkara pada musim ini. Orang-orang yang tidak percaya dan bertaubat dan kejahatan akan terdedah dengan kelajuan dan ukuran yang bertambah. Orang-orang yang tidak benar dan tidak setia akan melihat pekerjaan Tuhan yang semakin cepat dalam hidup mereka dan dalam atmosfera mereka. Tuhan bertakhta! Dan Dia bergerak! Oleh itu, marilah kita bertindak balas dalam iman, dan melepaskan suara kita pada hari ini, untuk menerobos dalam atmosfera kita, untuk mengisytiharkan bahawa Yesus bertakhta!

Jika Raja berada di atas takhtanya-Nya, siapakah atau apakah yang mengawal hidup anda?

## DOA & PUJIAN

Luangkan masa untuk memuji dan menyembah TUHAN. Takhtakan Yesus di atas setiap bahagian hidup kamu dan juga negara ini.

## Raja berada di atas Takhta-Nya

Jawab Saul: "Karena aku melihat rakyat itu berserak-serak meninggalkan aku dan engkau tidak datang pada waktu yang telah ditentukan, padahal orang Filistin telah berkumpul di Mikhmas, maka pikirku: Sebentar lagi orang Filistin akan menyerang aku di Gilgal, padahal aku belum memohonkan belas kasihan TUHAN; sebab itu aku memberanikan diri, lalu mempersembahkan korban bakaran." Kata Samuel kepada Saul: "Perbuatanmu itu bodoh. Engkau tidak mengikuti perintah TUHAN, Allahmu, yang diperintahkan-Nya kepadamu; sebab sedianya TUHAN mengokohkan kerajaanmu atas orang Israel untuk selamanya. Tetapi sekarang kerajaanmu tidak akan tetap.

### 1 Samuel 13: 11-14

Dalam Perjanjian Lama, raja dan nabi memainkan peranan yang berbeza dan tersendiri. TUHAN telah mengurapi Saul sebagai raja dan Samuel sebagai nabi. Ini bermakna, Saul tidak boleh mempersembahkan korban bakaran kepada TUHAN kerana Samuel yang diurapi akan berbuat demikian. Namun, semasa Saul sedang menunggu ketibaan Samuel di Gilgal untuk mempersembahkan korban bakaran sebelum berperang dengan Filistin, dia menjadi gementar selepas melihat orang Israel berselerak meninggalkannya. Oleh itu, dia membuat keputusan agar dia sendiri yang mempersembahkan korban bakaran itu.

Saul yang didorong oleh ketakutan telah melanggar peraturan Allah dan tidak mematuhi hukum-Nya. Mungkin kita akan bertanya, "Apa masalahnya?" Lagipun, ia masih merupakan satu penyembahan. Pertama sekali, penyembahan mestilah diterima oleh pihak yang kita sembah. Penyembahan kepada Allah merupakan satu ekspresi komitmen dan pengabdian penuh kita kepada TUHAN. Ia mesti dilakukan dengan cara yang penuh hormat sebagaimana yang ditetapkan oleh TUHAN. Yang kedua, jika penyembah yang menetapkan apakah penyembahan yang Allah patut terima dan menjangka Dia akan menerima apa yang ditetapkan oleh penyembah, maka sebenarnya, siapakah yang disembah di sini!

Kita sering berkata. "TUHAN ada di atas takhta-Nya". Sudah tentu Dia ada. Tetapi adakah kita percaya apabila Dia berada di atas takhta-Nya dan Dia berkuasa, Dia yang sepatutnya mempunyai kawalan penuh ke atas hidup kita? Adakah kita percaya, Raja yang berada di atas takhta-Nya, untuk memerintah hidup kita akan berbuat demikian menurut kehendak-Nya? Adakah kita mempercayai Dia dan boleh menyerahkan setiap situasi yang di luar kemampuan kita kepada Dia? Walaupun Dia seolah-olah lambat dan berlengah-lengah? Kadang kala dengan bibir kita (ataupun dalam minda kita), kita akan mengakui bahawa TUHAN berkuasa, akan tetapi kita sebenarnya mengawal setiap rancangan dan keputusan kita kerana kita takut akan manusia, takut akan kegagalan, gementar, kecewa, tidak sabar, tidak percaya, dll. Tidak hairanlah kita hanya dapat lihat buah yang sedikit atau malah mengalami kekalahan dalam hidup.

## DOA

Ucapkan (dengan suara kedengaran) kepada setiap pekerjaan iblis yang dapat kamu kenalpasti, untuk tunduk kepada penghakiman Allah. Isytiharkan (dengan suara kedengaran) bahawa Yesus ditinggikan dan dimuliakan dalam setiap bahagian ini.

## Dalam kasih Dia berbicara

"Seperti Bapa telah mengasihi Aku, demikianlah juga Aku telah mengasihi kamu; tinggallah di dalam kasih-Ku itu. Jikalau kamu menuruti perintah-Ku, kamu akan tinggal di dalam kasih-Ku, seperti Aku menuruti perintah Bapa-Ku dan tinggal di dalam kasih-Nya.

### Yohanes 15:9-10;15

Pada Hari Bapa, kita mengingati bapa kita. Setiap hari, kita mempunyai alasan untuk merayakan Bapa kita, kerana Dia yang telah menciptakan kita dan memanggil kita dalam kasih. Melalui iman dalam Kristus Yesus, kita diberikan hak untuk menjadi anak-anak Allah. Alangkahnya satu keistimewaan untuk memanggil Allah Mahakuasa sebagai Bapa kita!

Allah telah memberikan kita bapa di dunia ini, dengan tujuan melalui mereka, kita dapat mengalami kasih-Nya, menerima perintah dan bimbingan untuk berjalan dalam jalan yang benar dalam hidup ini. Tidak kira bagaimanapun bapa duniawi kita dalam peranan rohani mereka, kita bersyukur pada hari ini kerana kita memiliki Bapa Syurgawi yang mengasihi kita dalam kasih yang sempurna.

Yesus telah datang ke dunia untuk menunjukkan kasih Bapa yang sempurna kepada kita. Yesus mengasihi kita dengan memberikan hidup-Nya dengan rela, menderita dan mati bagi kita. Apabila kita menerima Yesus dalam hidup kita sebagai Penyelamat, kita menerima kasih Bapa. Kasih ini bukan semata-mata satu ungkapan emosi yang seketika. Ia adalah sesuatu yang dapat kita “diami”, sepanjang hidup kita. Untuk tinggal dalam Kasih-Nya, kita perlu bertindak balas terhadapnya, dengan membuat keputusan untuk mengasihi-Nya kembali. Kasih adalah hubungan dua peribadi! Kita dapat mengungkapkan kasih kita kepada Tuhan dengan mentaati Dia. Kita taat kepada Dia kerana kita mengasihi Dia, bukan kerana kita mahu mendapatkan kasih-Nya.

Apabila kita berada “dalam kasih” dengan Tuhan, kerana kita bukan lagi hamba kepada Tuhan, malah kita adalah anak-anak-Nya (lelaki dan perempuan), kita bersama menjadi warisan dalam Kristus, Dia berbicara kepada kita. Anak-anak Allah, harapkan Bapa Syurgawi untuk berbicara kepada kamu! Dia rindu untuk memberikan hatinya kepada kamu. Dia rindu untuk bersekutu dengan kamu, membimbing kamu, mendorong kamu, menghibur kamu, meneguhkan kamu dan menyatakan perkara-perkara rahsia Kerajaan-Nya kepada kamu.

“Dalam kasih” Bapa berbicara. Kita bukanlah anak yatim. Kita tidak akan bersendirian dalam perjalanan hidup ini. Nikmatilah hadirat-Nya setiap hari. Harapkan hadirat-Nya.

dan berkat-berkat lain yang TUHAN ingin kurniakan kepada kita. supaya mereka boleh dipelihara dalam kesucian, bertumbuh menjadi tanaman dan pokok yang memberi manfaat kepada orang lain.

Lindungilah benih-benih baik Kerajaan Allah dalam hidup anda hari ini dengan bimbingan Roh Kudus dan doa-doa yang diilhamkan oleh Roh Kudus. Jangan sesekali berasa puas akan diri sendiri (sehingga tidak mahu lakukan apa-apa/tidak melindungi benih baik).

## DOA

Tumpukan doa syafaat untuk kanak-kanak, muda-mudi dan belia (di bawah umur 35 tahun). Berdoa agar benih baik yang ditabur di dalam hidup mereka akan berakar dan berbuah. Berdoa untuk perkahwinan dan keluarga-keluarga yang mempunyai anak-anak kecil.

# Lindungilah Tanaman Anda

"Hal Kerajaan Sorga itu seumpama orang yang menaburkan benih yang baik di ladangnya. Tetapi pada waktu semua orang tidur, datanglah musuhnya menaburkan benih lalang di antara gandum itu, lalu pergi. Ketika gandum itu tumbuh dan mulai berbulir, nampak jugalah lalang itu.

## Matius 13: 24-26

Kerajaan Allah diumpamakan seperti satu ladang tanaman yang ditanam dengan benih yang baik. Benih secara semulajadi akan tumbuh dalam keadaan tanah yang kondusif/ sesuai. Akan tetapi jika ladang tersebut tidak dijaga, maka ia akan terdedah kepada pelbagai jenis benih rumput dan lalang, yang secara luaran kelihatan seperti gandum. Lalang tidak membawa apa-apa faedah, malah ia mengandungi toksin yang berbahaya kepada tubuh manusia. Terjadinya masalah lalang bukan kerana tidak ada benih yang baik, atau benih tidak disemai dengan baik, ataupun tidak ada tanah yang baik. Masalah ini terjadi kerana “orang tidur”, dan menurunkan pertahanan/penjagaan mereka terhadap rancangan dan pencerobohan musuh.

Dari masa ke semasa, kita dapat menyaksikan “penaburan benih” TUHAN ke dalam hidup kita dan juga dalam Gereja. Tidak pernah kekurangan penginjilan, pemberitaan Firman, berkat kewangan, penyembuhan dan berkat Allah yang berbagai. Malah kita telah menyaksikan kenyataan di pelbagai negara, di mana nilai-nilai ilahi diperbadankan ke dalam perlembagaan negara, sistem Pendidikan, pentadbiran, dll. Bagaimanapun, dengan berlalunya masa, kita kadang-kadang melihat kemerosotan nilai-nilai dan warisan ilahi ini. Mungkin pada suatu ketika, musuh telah menemui jalan masuknya ke dalam hidup kita dan mula menabur benih-benih pembohongan, penipuan, ketakutan, keraguan, ketidakpercayaan dan pelanggaran. Benih-benih “lalang” ini akan mula berakar dan membawa rasuah ke dalam hidup kita sehingga kebinasaan dan penajisan menyebar ke bahagian lain dalam hidup kita, dalam masa yang sama mempengaruhi orang lain juga.

TUHAN ingin memberi kita yang terbaik. Dia ingin menabur benih baik ke dalam hidup kita, kerana Dia ingin berkat-Nya berakar dan berganda dalam hidup kita. Dia mahu kita diberkati, menjadi berkat kepada orang lain, dan mewariskan berkat-Nya kepada generasi yang akan datang. Tetapi musuh Allah, Iblis, mahukan apa yang bertentangan dengan kehendak Allah. Dia mahu membawa kemusnahan dan penajisan yang maksimum ke dalam hidup kita, malah dia mahu semua itu berganda dan melimpah kepada generasi yang akan datang.

Kuncinya ialah: kita tidak boleh terlelap; kita mesti sentiasa berwaspada secara rohani sepanjang masa. Kita tidak boleh berhenti berdoa atau langsung tidak berdoa. Kita mesti mendirikan perisai doa untuk melindungi benih-benih penginjilan, warisan ilahi, hubungan ilahi (suami isteri, ibu bapa dan anak, saudara-saudari dalam Kristus, dll)

# DOA

Baca Yohanes 15 dan renungkannya sepanjang hari. Respon dalam doa, untuk setiap pernyataan yang kamu terima hari ini.

## Daripada ketakutan kepada kebebasan

Di dalam kasih tidak ada ketakutan: kasih yang sempurna melenyapkan ketakutan; sebab ketakutan mengandung hukuman dan barangsiapa takut, ia tidak sempurna di dalam kasih. Kita mengasihi, karena Allah lebih dahulu mengasihi kita.

### 1 Yohanes 4:18-19

Ketakutan melumpuhkan, apabila ia dikuatkan dengan hukuman. Ia menyeksakan, merompak mangsanya daripada segala sukacita. Ia menghalang orang untuk mengalami kasih. Ia menghalang orang daripada panggilan dan destini mereka. Ketakutan menyebabkan hal-hal yang kita takuti itu menjadi sangat berkuasa di dalam hidup kita. Ia menyebabkan kita tunduk kepada kuasa hal-hal yang kita takuti.

Sekiranya kita takut kepada kegagalan, kita tidak akan pernah mencuba. Sekiranya kita takut kepada kematian, ketakutan ini akan mengawal dan memerintah hidup dan keputusan kita. Jika kita takut kepada penolakan, kita akan melakukan apa sahaja untuk memperolehi penerimaan, kita akan menjadi seorang yang hanya menyenangkan orang lain. Menyenangkan manusia, secara umumnya, menentukan sikap dan keperibadian kita.

Jika kita takut kepada penghukuman, kita mungkin akan melakukan apa sahaja yang kita dapat untuk menutup kesalahan kita. Tuhan mengetahui hal ini dengan baik. Jika hubungan kita dengan Dia dikawal oleh ketakutan, kasih tidak akan dapat berakar. Oleh itu, Dia mengutus Anak-Nya Yesus untuk menanggung “hukuman” atas dosa kita, agar kita tidak takut untuk dihukum apabila kita mendekat kepada Dia. Dia menunjukkan kasih-Nya kepada kita terlebih dahulu, dengan menyingkirkan setiap halangan yang menghalang hubungan kasih di antara kita dengan Dia. Betapa ajaibnya hal ini! Betapa mahalnyanya cara yang Tuhan lakukan untuk menyatakan kasih-Nya kepada kita! Kasih yang sempurna melenyapkan ketakutan.

Tuhan berkata dalam Ulangan 10:12 *“Maka sekarang, hai orang Israel, apakah yang dimintakan dari padamu oleh TUHAN, Allahmu, selain dari takut akan TUHAN, Allahmu, hidup menurut segala jalan yang ditunjukkan-Nya, mengasihi Dia, beribadah kepada TUHAN, Allahmu, dengan segenap hatimu dan dengan segenap jiwamu,”* Takut kepada Allah bukan bererti merasa gerun terhadap Dia tetapi menjadi kagum kepada Dia – kasih ajaib-Nya, hikmat-Nya, kekuasaan-Nya, dll. Takut kepada Tuhan adalah menghormati Dia, mengasihi Dia dengan sungguh-sungguh sehingga kita tidak mahu menyakiti atau mendukakan hati-Nya dalam apa cara sekalipun. Takut kepada Tuhan adalah tunduk kepada Kasih-Nya seumur hidup kita! Ini adalah kebebasan yang benar.

Kiranya Kasih-Nya memerintah hidup kamu.

## DOA

Berdoa untuk “taman” atau “ladang misi” kamu. Serahkan diri kamu kepada TUHAN dan benarkan Dia untuk menyinar melalui kamu supaya kamu akan menjadi berkat kepada orang di sekeliling kamu.



## Biji Sesawi

Maka kata Yesus: "Seumpama apakah hal Kerajaan Allah dan dengan apakah Aku akan mengumpamakannya? Ia seumpama biji sesawi, yang diambil dan ditaburkan orang di kebunnya; biji itu tumbuh dan menjadi pohon dan burung-burung di udara bersarang pada cabang-cabangnya."

### Lukas 13: 18-19

Saya tidak pernah memberi perhatian kepada biji sesawi sehingga saya mengkaji rujukan Alkitab mengenainya. Saya faham bahawa biji sesawi adalah sangat kecil, malah ia mungkin biji benih yang terkecil! Walaupun ia kecil, tetapi ia mempunyai potensi untuk bertumbuh menjadi pokok yang besar. Ia mempunyai potensi untuk menjadi tempat teduh bagi burung-burung yang memerlukan tempat untuk bersarang. Ia boleh bertumbuh dengan begitu menakjubkan kerana ia berpotensi untuk hidup.

Yesus mengumpamakan Kerajaan Allah seperti biji sesawi. Mungkin ia kelihatan tidak penting, tetapi mengandungi Kehidupan Allah. Kerana itu, ia mempunyai potensi untuk tumbuh menjadi sesuatu yang jauh lebih besar berbanding dengan permulaannya. Apakah biji sesawi itu? Ia melambangkan apa-apa yang selaras dengan hati Allah dan kehendak-Nya sebagaimana yang Dia nyatakan kepada kita. Di mana sahaja 'biji sesawi' ini diterima, dipercayai dan dilaksanakan, ini bermaksud berlakunya penaburan benih Kerajaan Allah. Jika ia diberi suatu persekitaran yang sesuai ia pasti akan tumbuh kerana ia berpotensi untuk hidup, dan hidup akan menghasilkan hidup. Ia akan berganda secara sendiri.

Benih Kerajaan ini akan tumbuh dan hadiratnya dapat dirasakan dan dihargai oleh ramai orang. Ia akan menjadi, ataupun sekurang-kurangnya, pengaruhnya dapat dilihat oleh semua orang. Ia akan memberi perlindungan kepada mereka yang tenang, kepada mereka yang tiada tempat tinggal dan mereka yang lesu. Secara ringkas, Kerajaan Allah sepatutnya begini. Ini adalah kehendak Allah bagi semua yang dipanggil masuk ke dalam Kerajaan-Nya. Kita akan menunjukkan sifat-sifat yang sama dengan Allah dan kehendak-Nya. Hidup kita sebagai seorang Kristian, sebagai murid Yesus sepatutnya menjadi berkat kepada orang lain.

Mulai hari ini, taburlah benih yang sejajar dengan hati dan kehendak TUHAN sepertimana yang diperlihatkan kepada kita oleh-Nya di tempat-tempat "taman" yang TUHAN sedang bekerja. Walaupun kita rasa apa yang kita taburkan itu adalah sedikit, jika ia berkenan dengan hati Allah, yang pasti ia akan bertumbuh dan mempengaruhi ramai orang, termasuk anda! Itulah ciri-ciri Kerajaan Allah!

Oleh itu, janganlah menghina permulaan-permulaan yang kecil (Zakaria 4: 10)

## DOA

Bawalah kepada Bapa, apapun ketakutan yang kamu alami, dan mintalah Dia untuk menggantikan setiap satunya dengan Kasih ilahi-Nya.

# Mentaliti Penuaian

"Tangan yang lamban membuat miskin, tetapi tangan orang rajin menjadikan kaya. Siapa mengumpulkan pada musim panas, ia berakal budi; siapa tidur pada waktu panen membuat malu.

**Amsal 10:4-5**

Saya masih ingat pelajaran geografi saya beberapa tahun dahulu tentang kaedah penuaian oleh beberapa peladang tebu. Tebu matang dengan cepat dalam cuaca panas. Pengumpulan kandungan gula dalam tebu itu tinggi apabila cuaca adalah kering. Kerana kulit tumbuhan ini sangat keras dan tebal, ia tidak mudah terbakar. Para peladang akan membakar ladang tebu, di mana semua daun dan rumput kering akan terbakar dengan cepat dan mudah. Setelah ladang bersih, penuaian dilakukan dengan begitu mudah.

Apabila kita berada dalam musim tuaian, kita mungkin kadangkala perlu mengambil tindakan tegas untuk memantau penuaian. Hasil tuaian mungkin tersembunyi oleh “rumput liar yang kering” atau “lalang” dalam hidup kita. Kita perlu mengundang api Roh Kudus untuk datang ke atas kita dan keadaan kita, untuk membersihkan semua yang menghalang penuaian tersebut. Setelah ia dibersihkan, maka barulah buah-buah tuaian akan jelas kelihatan di hadapan kita.

Untuk menuai tuaian dalam musim kita, kita harus sanggup bekerja keras dan tekun. Walaupun hasil dan pertambahan adalah daripada Tuhan bukan kerana usaha kita sendiri, penuaian memerlukan kesungguhan dan kerja keras. Minta Tuhan untuk menyatakan dan mendedahkan semua yang menghalang keberhasilan dan potensi kamu, untuk karunia didedahkan, mintalah api Roh Kudus untuk membersihkan semuanya. Kerja keras diperlukan, tetapi ia berbeza daripada menabur: dalam menabur kita menanti tanaman untuk bertumbuh dan menghasilkan buah, tetapi dalam penuaian kita menikmati buah dengan serta merta!

Pergilah! Sekaranglah waktunya!

## DOA

Berdoa mengenai proses pemuridan dalam gereja. Berdoa agar ramai saudara dan saudari yang setia di dalam TUHAN akan bangkit dan menurunkan kepada generasi akan datang warisan yang kita ada dalam Yesus Kristus.

## Pertembungan Dua Kerajaan

Sebab mereka yang hidup menurut daging, memikirkan hal-hal yang dari daging; mereka yang hidup menurut Roh, memikirkan hal-hal yang dari Roh. Karena keinginan daging adalah maut, tetapi keinginan Roh adalah hidup dan damai sejahtera. Sebab keinginan daging adalah perseteruan terhadap Allah, karena ia tidak takluk kepada hukum Allah; hal ini memang tidak mungkin baginya. Mereka yang hidup dalam daging, tidak mungkin berkenan kepada Allah. Tetapi kamu tidak hidup dalam daging, melainkan dalam Roh, jika memang Roh Allah diam di dalam kamu. Tetapi jika orang tidak memiliki Roh Kristus, ia bukan milik Kristus.

### **Roma 8: 5-9**

Sebuah kerajaan mesti ada seorang raja. Ia juga mesti ada rakyat. Jika tidak ada raja mahupun rakyat, maka kerajaan tidak boleh dibentuk. Raja Kerajaan Allah adalah TUHAN sendiri. Allah itu Roh (Yohanes 4:24), dan pada masa Dia mencipta manusia, Dia menghembuskan nafas hidup-Nya, iaitu Roh-Nya ke dalam manusia, dan manusia dengan serta-merta menjadi makhluk hidup. Pada mulanya TUHAN memerintah melalui manusia di bumi, di mana manusia dicipta menurut gambar-Nya. Kerajaan Allah didirikan di bumi melalui manusia.

Namun kemudian, sesuatu yang teruk telah berlaku. Manusia memilih untuk hidup kehidupan yang bertentangan dengan kehendak Allah, berjalan and hidup menentang cara Roh Allah, dengan demikian kehilangan kekuasaan untuk memerintah. Dari situ, sifat kedagingan bermula menentang Roh Allah. Kedagingan menurut sifatnya, adalah perseteruan terhadap Allah. Ia memberi manusia kesempatan untuk “bekerjasama” dengan iblis, raja kerajaan kegelapan. Jika kita membuat pilihan dengan sengaja atau secara cuai untuk hidup dalam kedagingan, kita akan menjadikan diri kita terdedah kepada iblis dan kawalannya. Walaupun iblis merupakan penulis kejahatan dalam hidup manusia, kita tidak boleh selalu “menyalahkan iblis” tanpa mengambil tanggungjawab atas pilihan kita sendiri untuk hidup dalam kedagingan.

Jika Kerajaan Allah ada di dalam kita selepas kita menerima Yesus, kita perlu hidup menurut Roh, berserah kepada Yesus dan keTuhanan-Nya dalam setiap bahagian hidup kita. Iblis juga ingin mengembangkan kerajaannya di bumi melalui manusia. Dia akan mencari peluang untuk menarik perhatian kedagingan kita, supaya kita akan hidup mengikut kedagingan. Jika kita hidup dalam kedagingan, maka kerajaan iblis akan berkembang di dalam dan melalui kita. Maka terjadilah pertembungan di antara dua kerajaan di dalam manusia!

Oleh itu, pilihlah dengan bijak, dan pupuk gaya hidup Kerajaan Allah yang bercirikan kasih, hormat, kebenaran dan ketaatan. Menaburlah di dalam Roh Allah dan berharaplah untuk melihat Kerajaan Allah bertumbuh dalam kita dan melalui kita!

## DOA

Mintalah kepada Tuhan untuk menyatakan kepada kamu apa yang perlu kamu singkirkan sebelum kamu dapat melihat tuaian kebenaran-Nya dalam hidup kamu, pekerjaan dan pelayanan kamu.

# Peperangan dalaman

Maksudku ialah: hiduplah oleh Roh, maka kamu tidak akan menuruti keinginan daging. Sebab keinginan daging berlawanan dengan keinginan Roh dan keinginan Roh berlawanan dengan keinginan daging--karena keduanya bertentangan--sehingga kamu setiap kali tidak melakukan apa yang kamu kehendaki.

## Galatia 5:16-17

Salah satu impian ahli teknologi komputer adalah membangunkan robot atau komputer di mana ia beroperasi sepenuhnya sebagai buatan yang cerdas (Artificial Intelligence A.I). Ia memproses maklumat/data yang diberikan kepadanya dan “belajar” daripada data tersebut dan membuat kesimpulan daripada data itu. Mesin yang dapat berfikir sendiri, dan membuat keputusan sendiri. Sememangnya ada kesan baik dan tidak baik kepada buatan cerdas (A.I) yang sepenuhnya. Kegunaannya bergantung kepada seluruh data yang diberikan, dan proses pemikiran yang kita ciptakan untuknya. Sekiranya data yang kita berikan terdapat kesalahan atau proses pemikiran adalah berat sebelah, A.I ini boleh bertukar menjadi raksasa yang memusnahkan!

Manusia terdiri daripada roh, jiwa dan tubuh. Tubuh atau Alkitab selalu merujuknya sebagai “daging”, ia adalah jenis A.I. Ia beroperasi menurut keinginan manusia. Dengan sendirinya, ia merekodkan data yang terkumpul selama beberapa waktu daripada pengalaman dan maklumat yang diberikan. Ia memiliki memori suka dan duka. Sama seperti sebuah A.I. Oleh kerana dosa, kedagingannya sendiri ia menentang perkara dari Roh Allah. Ia tidak dapat menerima atau memahami kebenaran Tuhan. Tetapi Allah melalui pekerjaan yang sempurna di kayu Salib, memberikan kita Roh Kudus-Nya untuk menyatakan kebenaran Allah kepada kita. Daging berperang dengan Roh. Sama seperti daging adalah bahagian tubuh kita, Tuhan menyediakan jalan bagi kita untuk menolak kawalan kuasa kedagingan atas kita sementara kita hidup di dunia ini: *“Barangsiapa menjadi milik Kristus Yesus, ia telah menyalibkan daging dengan segala hawa nafsu dan keinginannya.”* (Galatia 5:24). Ia bermaksud, jika kita memilih untuk membenarkan Roh Kudus untuk memimpin kita, membimbing kita ke dalam jalan Tuhan, kita tidak akan berjalan menurut cara kedagingan kita.

Untuk dapat menjalani hidup yang memuliakan dan menyenangkan Allah ia bukanlah fokus kepada mengubah tingkah laku terlebih dahulu, bukan memilih “fikiran mengatasi perkara” (‘mind over matter’ - guna tekad (willpower) untuk mengatasi halangan/kelemahan fizikal) dalam hidup. Ia bukanlah melakukan kehendak kita untuk mengubah tingkah laku kita. Kita haruslah terlebih dahulu memerangi kedagingan dalam kita. Hanya satu cara untuk mengatasi kedagingan dan tidak dikalahkan olehnya adalah tunduk kepada Roh Kudus. Memilih untuk taat kepada suara Roh Kudus, meskipun ia tidak selesa dan tidak semula jadi. Pilihlah setiap hari, menyalibkan kedagingan di Salib. Maka, kita akan melakukan perkara yang kita persetujui dalam fikiran dengan Allah.

## DOA

Berdoa untuk misi dan pelayanan gereja untuk bertumbuh seperti ragi. Berdoa agar Kerajaan Allah akan terus dikembangkan dan hidup kita terus diubah.

# Pertumbuhan Kerajaan Allah

Dan Ia berkata lagi: "Dengan apakah Aku akan mengumpamakan Kerajaan Allah? Ia seumpama ragi yang diambil seorang perempuan dan diadukkan ke dalam tepung terigu tiga sukat sampai khamir seluruhnya."

## Lukas 13: 20-21

Yesus mengumpamakan Kerajaan Allah seperti ragi yang tersembunyi dalam gumpalan adonan. Ciri utama perumpamaan ini adalah bahawa Kerajaan Allah selalu mempunyai permulaan yang kecil, dan kesan yang tidak dapat dielakkan adalah pertumbuhan – ia akan bertumbuh mempengaruhi seluruh dunia.

Saya belajar dari Warden Paderi saya bahawa suhu terbaik untuk ragi bertumbuh dengan efektif adalah suhu badan manusia. Begitu juga Kerajaan Allah diumpamakan seperti ragi. Ia bertumbuh dengan efektif di dalam lelaki dan wanita yang akan membuka hati mereka kepada Raja kerajaan Allah, Yesus. Hadirat Kerajaan Allah haruslah pertama sekali berakar di dalam hati seseorang. Kemudian ia akan disampaikan kepada orang yang seterusnya, dan seterusnya, dan seterusnya...

Kerajaan Allah bukanlah satu organisasi yang fizikal mahupun satu struktur. Semua itu hanya memberi satu expresi/penyataan kepada inti Kerajaan-Nya. Ia bukan satu set arahan mengenai “apa yang boleh dilakukan” dan “apa yang dilarang”. Lebih dari itu, Kerajaan Allah adalah mengenai hidup yang telah diubah dari dalam ke luar, bukan dari tingkah laku di luar ke dalam. Oleh itu, Kerajaan Allah jauh melampaui apa-apa batasan politik dan institusi manusia. Ia adalah mengenai satu komuniti di mana hidup mereka telah diubah; diubah oleh kasih Allah dengan kuasa Roh Kudus, untuk membawa transformasi ke dalam masyarakat.

Apabila individu-individu yang telah mengalami Tuhan diletakkan di merata-rata tempat dalam masyarakat, diletakkan di Tujuh Gunung Pembentuk Budaya atau di Lima Linkungan Pengaruh dalam masyarakat, tidak kira mana satu istilah yang kamu pilih, maka nilai-nilai Kerajaan Allah akan menyerap ke dalam seluruh kehidupan kita. Seterusnya, kita akan melihat kekuasaan dan pemerintahan Tuhan, keadilan dan kebenaran, belas kasihan dan kemurahan hati Tuhan dibawa ke dalam kehidupan harian kita.

Oleh itu, jika kita ingin melihat perubahan yang lebih baik untuk negara kita dan memiliki masa depan yang penuh dengan harapan untuk generasi yang akan datang, pemberitaan dan penginjilan Kerajaan Allah adalah suatu perkara yang penting dan tidak boleh dirunding. Pilihlah untuk hidup dalam “kehidupan Kerajaan” bermula dari hari ini, mengutamakan Raja Yesus dalam hidup kita, dan kita pasti akan melihat penebusan Allah datang kepada kita!

Pergi, menangi peperangan ini! Kemenangan milik kamu!

## DOA

Adakah kamu telah bertindak atau bertindakbalas secara kedagingan baru-baru ini? Pakukan di kayu salib segala pekerjaan kedagingan dan minta Roh Kudus untuk membimbing kamu dalam penggunaan kehendak kamu dan dalam membuat keputusan supaya kamu tidak akan berjalan menurut cara kedagingan kita.

# Menyingkirkan Ragi

Kemegahanmu tidak baik. Tidak tahukah kamu, bahwa sedikit ragi mengkhamiri seluruh adonan? Buanglah ragi yang lama itu, supaya kamu menjadi adonan yang baru, sebab kamu memang tidak beragi. Sebab anak domba Paskah kita juga telah disembelih, yaitu Kristus.

## I Korintus 5:6-7

**Kematian Hitam**, juga dikenali sebagai **Wabak Besar**, **Wabak Hitam**, merupakan salah satu pandemik terbesar dalam sejarah manusia, menyebabkan kematian yang dianggarkan 75 hingga 200 juta di Eurasia dan merebak di Eropah dari tahun 1347 hingga 1351. Penyakit ini dibawa oleh tikus liar, yang berhijrah keluar daripada tanah rumput kering di tengah dan barat Asia.

Walaupun tikus adalah kecil dan tidak mudah dilihat, jika tidak diperiksa, mereka akan menyebabkan kemusnahan yang besar. Dosa, mungkin kecil seperti tikus atau ragi. Sekiranya ia dibenarkan tinggal dalam hidup kita, ia berpotensi membunuh, menyebabkan kematian akan tujuan Allah dalam hidup kita. Dosa selalunya memberi peluang kepada musuh untuk membawa kemusnahan apabila kita membenarkan ia terus berada dalam kita. Dosa merosakkan semuanya.

Kerana kekeringan di padang rumput, pembawa penyakit (tikus) yang menyebabkan kematian ini terpaksa keluar dari tempat asalnya. Tetapi ia harus dihapuskan sepenuhnya atau sekurang-kurangnya tidak dibenarkan untuk berganda agar manusia terlindung daripada kematian. Apabila dosa diakui dan diampuni oleh Tuhan, kesan dan kutuknya akan dimusnahkan. Pertaubatan individu adalah penting untuk pembaharuan peribadi. Namun, dosa dan aliran dosa, tidak harus dibenarkan tinggal dalam kehidupan korporat gereja. Sama seperti ragi kecil (atau yis) memberikan kesan kepada seluruh adonan, demikian juga kompromi akan dosa dan kesannya akan mencemarkan seluruh Gereja.

Maksud kekudusan bukan sekadar mengenai tingkahlaku yang benar. Ia adalah mengenai kepercayaan yang benar di mana ia akhirnya memimpin kita kepada gayahidup yang percaya kepada Allah, siapa Dia, dan percaya kepada setiap kata-kata yang keluar dari mulut-Nya. Kekudusan adalah pohon kehidupan bebas daripada “ragi” dosa dalam peribadi, dan Gereja. Hidup yang kudus membuka pintu kepada mukjizat kasih karunia Tuhan dan pemulihan. Bila kita berkompromi dengan kekudusan, maka kematian dan kemusnahan menanti kita.

Hari ini, pilihlah untuk menyingkirkan setiap ragi dosa dan kesannya daripada setiap lingkungan kehidupan kita.

# DOA

Bukalah hati kamu hari ini dan mengundang Raja Kerajaan Allah, Yesus, untuk datang dan bertakhta atas setiap bahagian di mana masih terlihatnya kehadiran dosa dan kegelapan dalam hidup kamu, keluarga kamu, di tempat kerja, di pekan/bandar/kampung anda dan negara kamu.

## Kerajaan di dalam diri kita

Atas pertanyaan orang-orang Farisi, apabila Kerajaan Allah akan datang, Yesus menjawab, kata-Nya: "Kerajaan Allah datang tanpa tanda-tanda lahiriah, juga orang tidak dapat mengatakan: Lihat, ia ada di sini atau ia ada di sana! Sebab sesungguhnya Kerajaan Allah ada di antara kamu."

### Lukas 17: 20-21

Sebuah kerajaan merupakan satu alam di mana ia diperintah oleh seorang raja. Bukti ciri-ciri kerajaan tersebut dilihat melalui nilai-nilainya, kekuasaan dan kuasa yang dipegang oleh rajanya. Kerajaan Allah juga demikian, dicirikan dan dibuktikan oleh kebenaran, kasih, kekuatan dan kekuasaan Raja Yesus. Di situlah semua kehendak Allah dilaksanakan menentang semua pemerintahan atau kerajaan yang lain, kerana Kerajaan-Nyalah yang teragung. Di mana Kerajaan Allah didirikan, di situlah kerajaan kegelapan tidak dapat menang.

Yesus menggambarkan Kerajaan Allah dengan cara ini: ia bermula di dalam diri kita. Kerajaan Allah tidak didirikan dalam hampa udara. Ia dinampakkan melalui kita, iaitu umat dan anak-anak-Nya. Apabila kita membuka hati kita untuk mendakap Raja Kerajaan Allah, apabila kita mengundang Dia untuk memerintah dan bertakhta atas setiap bahagian hidup kita, maka hati kita akan menjadi alam pemerintahan Dia. Apa-apa kegelapan serta pekerjaannya, apa-apa dosa serta kelemahan kedagingan, apa-apa yang tidak selaras dengan kebenaran pemerintahan dan kehendak Allah, ia akan disingkirkan daripada hidup kita.

Pemerintahan Raja Yesus di dalam hidup kita adalah melalui pekerjaan dan operasi Roh Kudus. Apabila Dia dijemput ke dalam hidup kita, Dia akan mengurniakan karunia rohani untuk membolehkan kita melaksanakan pekerjaan Raja (1 Korintus 12:4-11). Apabila kita membenarkan Dia untuk tinggal di dalam diri kita, Dia akan berbuah di dalam diri kita (Galatia 5:22-23). Roh Kudus menginsafkan kita akan dosa (apa yang tidak selaras dengan kesucian Allah). Dia juga mempunyai kuasa untuk menyembuh dan membebaskan kita. Dia mengurniakan kita hikmat dan pengertian. Dia akan menyatakan hati Allah kepada kita. Dia juga akan mencurahkan kasih Allah Bapa ke dalam hati kita, dll.

Apabila Kerajaan Allah didirikan di dalam diri kita, kerajaan kegelapan tidak mempunyai tempat di dalam diri kita lagi. Apabila Kerajaan Allah berada di dalam diri kita, kita akan hidup kehidupan yang menang yang diperolehi oleh Yesus untuk kita di kayu Salib, walau di manapun Dia menempatkan kita. Apabila Kerajaan Allah menjadi nyata di dalam diri kita, kita akan mencipta satu atmosfera/suasana yang penuh dengan hadirat, kasih dan kuasa-Nya.

## DOA

Luangkan beberapa waktu memohon kepada Tuhan untuk menyatakan kepada kamu “ragi” dosa dalam hati kamu. Bertaubat dan tutuplah pintu terhadap “ragi” dosa!

# Pertaubatan

Dan engkau Kapernaum, apakah engkau akan dinaikkan sampai ke langit? Tidak, engkau akan diturunkan sampai ke dunia orang mati! Karena jika di Sodom terjadi mujizat-mujizat yang telah terjadi di tengah-tengah kamu, kota itu tentu masih berdiri sampai hari ini.

## Matius 11:23

Dosa selalunya dan pasti mempunyai kesan yang jauh di mana ia berdiam. Sama ada ia berdiam dalam individu, keluarga, komuniti, kota atau bangsa. Ia memberikan peluang, sebagai “alasan” bagi musuh untuk berkuasa atas tempat di mana ia berada. Dosa membawa kutuk, mengundang penghakiman Allah yang kudus dan adil.

Apabila Yesus berada di bumi, Dia datang untuk menyampaikan khabar baik Kerajaan Allah. Dia menyembuhkan yang sakit, mengusir roh jahat, menunjukkan kasih karunia kepada yang lemah dan menyatakan kasih Allah kepada yang terpinggir dan dianiaya. Dia melakukan mukjizat kesembuhan ilahi, tanda dan keajaiban yang hanya dapat dilakukan oleh Allah yang berkuasa. Semua ini, mesej tunggal penting yang Yesus mahu sampaikan adalah: Terdapat Tuhan di syurga yang sekarangnyia berdiam di antara manusia. Mesej ini memerlukan respon, di mana manusia perlu memiliki perhubungan yang benar dengan Tuhan untuk diselamatkan.

Lihat, penghakiman Allah akan datang ke atas dunia yang berdosa. Di mana dosa berada, penghukuman itu akan dilepaskan oleh Allah, akan jatuh kepada orang yang masih tidak mahu bertaubat. Mukjizat Allah adalah kasih karunia Allah bagi kita, agar kita dapat menerima Firman-Nya dengan sungguh-sungguh.

Jelas sekali, dosa adalah pesalah yang akan dihukum dan dikutuk. Yesus datang untuk memperpanjangkan kesempatan kepada manusia untuk diselamatkan daripada hukuman dan kutuk. Di mana ada dosa, maka adanya penghukuman – kepada individu, keluarga, kota dan bangsa, kecuali pertaubatan dilakukan. Apabila umat Allah terus hidup tanpa pertaubatan, apabila penghukuman Allah datang ke atas kota atau bangsa, kita tidak akan terlepas. Namun, apabila umat Allah hidup kudus (diasingkan bagi Allah) dan bertaubat (sensitif kepada dosa), kasih karunia Allah akan menaungi umat-Nya. Oleh itu, apabila hukuman dijatuhkan kepada kota atau negara, orang yang jahat akan dihukum tetapi umat Allah dilindungi.

Apabila kota atau bangsa bertaubat, pembebasan adalah sangat besar! Malah kita yang jahat seperti Sodom dapat diselamatkan. Berdoa, agar roh pertaubatan datang ke atas kota dan bangsa kita!

# DOA

Mari kita akui dan bertaubat atas dosa-dosa yang masih dilakukan di negara ini oleh rakyat dan pemimpinnya. Berdoalah untuk belas kasihan Allah atas negara kita, dan juga untuk penyembuhan negara ini.



## Pemulihan sebuah negara

Jadi, ya raja, biarlah nasihatku berkenan pada hati tuanku: lepaskanlah diri tuanku dari pada dosa dengan melakukan keadilan, dan dari pada kesalahan dengan menunjukkan belas kasihan terhadap orang yang tertindas; dengan demikian kebahagiaan tuanku akan dilanjutkan!"

### **Daniel 4: 27**

TUHAN berjanji jika kita berpaling dari kejahatan, Dia akan mengampuni dosa-dosa kita dan memulihkan negara kita. Pemulihan negara melibatkan penyembuhan semua: rakyatnya, habitatnya, ekonominya, dll. Seperti mana pengampunan mendahului penyembuhan seseorang secara individu, pengampunan juga merupakan kunci utama penyembuhan sebuah negara.

Pengampunan melibatkan kita mencari pengampunan Allah atas dosa-dosa yang telah dilakukan dalam negara ini, tidak kira sama ada kita terlibat atau tidak terlibat secara langsung. Kita meminta pengampunan kerana dosa melukai orang lain dan juga melukai TUHAN. Pengampunan juga bermakna kita perlu mengampuni pesalah, mereka yang melukai negara ini, yang merompak dan melakukan ketidakadilan kepada rakyat negara ini. Namun ia bukan bermaksud kita melepaskan mereka daripada dosa mereka tetapi ia bererti kita melepaskan mereka daripada penghakiman kita, dan serahkan mereka ke dalam tangan Hakim yang Adil, kepada pemerintahan undang-undang. Kita benci dosa, tetapi mengasihi mereka yang melakukan dosa.

Komponen/bahagian lain dalam pemulihan negara adalah respons pemimpin negara ini. Dalam Daniel 4: 27, firman Allah mengatakan pemimpin negara boleh menebus dosa-dosa dan kejahatan masa lalu. Rasa kesal dan pertaubatan mereka mesti disahkan oleh tindakan dan keputusan susulannya. Mereka perlu memilih keadilan dalam pelaksanaan kuasa pemerintahan mereka. Mereka juga perlu mendemonstrasikan keadilan dan kesaksamaan dalam dasar dan undang-undang mereka. Kemudian, penyembuhan Allah boleh mengalir seperti sungai yang tiada penghujung, penuh dengan rahmat. Ia akan diikuti dengan pemulihan-Nya dan kemuliaan-Nya akan menjadi nyata di negara tersebut.

Mari kita terus mengangkat negara kita dalam doa dengan bersungguh-sungguh. Lihat TUHAN sebagai satu-satunya harapan penyembuhan dan pemulihan untuk negara ini dan rakyatnya. Berdoa untuk pemimpin kita yang baru dilantik untuk menunjukkan kebenaran dan ketakutan kepada Allah.

Datanglah Tuhan Yesus. Datanglah. Penuhilah negara ini dengan rahmat dan belas kasihan Mu!

## DOA

Sebelum kita berseru untuk penghukuman Allah ke atas kejahatan di dalam bangsa kita, marilah kita meminta kepada Tuhan untuk memberikan kita kesedaran terhadap dosa, agar kita tidak terlibat dalam aktiviti atau menjadi sebahagian daripada budaya yang tidak ingkar kepada undang-undang.